


KALIKATA LITTLE MAGAZINE LIBRARY-O-GABESHANA KENDRA
18/M TAMER LANE, KOLKATA-700009

Record No. : KLMLGK 2007/	Place of Publication : গাবেশন ২০২ গাবেশন আলিয়াস, কল-২০
Collection : KLMLGK	Publisher : বুদ্ধ (৫৪) কল
Title : কবিতা (KAVITA)	Size : 5.5" x ৪.5"
Vol. & Number : 21/2 21/4 22/3 22/4 23/2	Year of Publication : Dec 1956 (১৯৫৬) (১৯৫৬) (১৯৫৬) (১৯৫৬)
	Condition : Brittle / Good
Editor : জে. এ. গাভ্রেল	Remarks :

C.D. Roll No. : KLMLGK

কবিতা



সম্পাদক

বুদ্ধদেব বসু



আমি ১৩৬৫
দাম এক টাকা



কবিতা

আষাঢ়, ১৩৬৫

বর্ষ ২২, সংখ্যা ৪

ক্রমিক সংখ্যা ৯৪

যত সব টেকো মাথা

বিনু দে

Bald heads forgetful of their sins—Yeats.

যত সব টেকো মাথা নিজেদের পাপ ভুলে গিয়ে
জরজরে পণ্ডিত যত মাথা মোটা মাথা
থীসিসে ডাক্তার হয় সাহিত্যের থাইসিস ছড়িয়ে,
বই সম্পাদনা করে, টীকাভাষ্য লিখে যায় বা-তা,
কবিতার নাটকের, লিখেছে যা যুবকেরা স্থানিত্রা তোছে
প্রেমের ব্যাথায়—যদি হৃন্দরীর মন তাতে ভেঙ্গে।

এদের এক রা, এরা কালি ছোড়ে কাশির ছিটায়,
এদের জুতোর তলা ঝুয়ে যায় একটি পাপোশে ;
সকলে যা ভাবে বোঝে এরা সেই ভাবনা পেটায়,
একটি পোয়ালে সেই একটি এঁড়েই এরা পোষে।
হে বিধাতা, এরা সব কী মন্তব্য করত হতাশ
এদের পথেই যদি চলতেন কবি কালিদাস ?

স্টীভেন স্পেন্ডার : ছুটি কবিতা

বেঠোফেনের অন্তিম মুখচ্ছন্দ

মনশ্চক্ষে দেখি তাঁকে, ভারাক্রান্ত এখনও ললাট।
মহাকাব্য, তাম্রক্লম্ব, নভশির, বিস্রম্ব অলক,
সমস্ত নিসর্গে তিনি লাঙল চালান। তাঁর মুখ
দেয়ালে ঝোলানো এই একটি মুখোশ, অস্তরিত রূপ,
মৃত্যুর ঢালাই মুখ, শাদা-শাদা আলোয় তাকিয়ে আছে নিম্পলক।

দেখি স্থূল হাত ছুটি বাঁধা; সেই কাঁপতড়ুয়ার কোট;
আলো উঠে ধাক্কা দেয় দুই গর্ভে চোখের ফাটলে;
পশুটা বসেছে চেপে এই মুখবিবরে, যার ফাঁকে
অর্গানের নলে-নলে ফাঁপা যত বায়ুক্ক মুখ;
ওখানে বাতাস গায়, তীক্ষ্ণ সাধ কঁাদে উচ্চরোলে।

আমার দৃষ্টির পথে তিনি যান জাহাজের মতো।
তিনি ছাড়া আর কিবা লোহা? দুই ভাগে মাঠক্ষেতবন
ভেঙে চুরে হ'য়ে যায় ফুলে-ফুলে সমুদ্রের পরিপ্রব জল।
তিনি বন্দী, মুখোশে প্রচ্ছন্ন, তিনি সত্তা থেকে নির্বাসিত;
ফোয়ারার মতো ওঠে জীবন, দেখেন তিনি—এই বাইরে জীবন।

অথচ ও-মাথাতই জট বাঁধে গর্জমান মেঘ,
পাক খায়, বেমন শামুকে শায়ে পাক খায় গর্জমান ঢেউ।
ভিজ্জা পাতা চুপি-চুপি কথা কয়, নিচু হ'য়ে নেমে বৃষ্টিজলে
চৈত্র জাগে তাঁর মধ্যে, দুসদুস নিরুদ্ধ করে তাঁর,
আর তাঁর মতিদের বন্ধগার সিঁড়ি বেয়ে চলে।

তারপরে ঢাকার বিদায় নেয়, হয় দূরত্ব উদ্ভাস;
এবারে মেঘলা সব চূড়া নয়; উপনিষদ একমু
দিগন্ত বিলীন করে; নীলিমা আরতি করে আকাশের,
শান্তি, শান্তি...তারপরে কঙ্কালকরোটি আর স্বপ্ন চিরে ফুঁড়ে
এ আসে আমাদের সব বাতি মুছে দিয়ে, তুর্ঘ্মবে, সূর্যই স্বয়ম্ ॥

প্রাতঃস্মরণীয় তারা

সর্বক্ষণ তাদের চরিত ভাবি যারা প্রকৃতই মহৎ ছিলেন।
যারা, মাতৃগর্ভ থেকে, মনে রেখেছেন মানবমনের ইতিহাস,
আলোকের দালানে-দালানে, যেখানে প্রহরগুলি সূর্য সব
অন্তহীন এবং সংগীতে উন্মুগ্ন। যাদের উচ্চাশা কমনীয়,
যারা শুধু চান যে তাঁদের গঠাধর, তখনও আশুনে রাজা,
বলুক আশ্রায় কথা গানে-গানে ঢেকে দিয়ে আপাদমস্তক।
এবং সঞ্চয় যারা করেছেন বসন্তের ডালপালা থেকে
সাধ ইচ্ছা, বসেছে যা তাঁদের শরীর বেয়ে মঞ্জরীর মতো।

মহামুলা নীতি হল কখনও না ভুলে যাওয়া
রক্তের মৌলিক হর্ষ, অক্ষয় নিখ'র থেকে ভরা,
ভেদ করে বহু শিলা আমাদের পৃথিবীর কালের ও আগের।
সকালের সরল আলোয় কখনও না অস্বীকার করা তার স্বপ্ন
অথবা কদাচ তার স্বগভীর সায়ন্তন প্রেমের প্রার্থনা।
কখনও না ক্রমিক অভ্যাসে ট্রান্সিকের গোলমালে, ধোঁয়া কুমাশায়
মানসের মরুশ্মের মুখ চেপে ধরা।

ভূবারের সন্মিকটে, সূর্যের সামিধ্যে, সর্বোচ্চ প্রান্তরে
চেয়ে দেখ কেমন এঁদের নাম সংবর্ধনা পায় ঘাসের হিলোলে

কবিতা

আঘাট ১৩৬৫

আর স্তম্ভ মেঘে-মেঘে পতাকা নিশানে
এবং নিবিষ্ট নীলাকাশে বাতাসের আনন্দ মর্মরে ।
তাদের সবার নাম, যারা আজীবন লড়েছেন জীবনের তরে,
যারা নিজেদের হৃদয়ের পাশে রেখেছেন অগ্নিকেন্দ্র ।
সূর্যের সন্ধান তাঁরা, কিছুকাল যাত্রীও ছিলেন সূর্যলোকে,
এবং ভাস্বর হাওয়া ভরে দিয়ে গিয়েছেন নিজেদের গৌরবস্বাক্ষরে ।

অনুবাদ : বিষ্ণু দে

কবিতা

বর্ষ ২২, সংখ্যা ৪

চারটি নিবেদন ও একটি প্রাণ

সঞ্জয় ভট্টাচার্য

চোখ

(মালার্গে-কে)

চোখগুলো ছিল ভালো, এখন তেমন
উজ্জলতা নেই ; দিলে মন
দেখা যায় কুম্বাশা পুসর
বহু ব্যবহারে পরপর ।
যতোটুকু আলো থাকে তাকে
কাচের থাচায় পুরে রাখে ।
এই তো নিয়ম । তাই ভাবি
ক্ষয়ের লক্ষণ বৃষ্টি এই ।
আমার থয়েরি চোখও দাবি
করেছিল কতোই না—ইয়ত্তা তো নেই !

অপ্লোজার

(হাইনে-কে)

বপ্ত্র নয় বাস্তবিক
তেমন দেশের পাত্তা ঠিক
জানতাম যে আজ তা দিক
করছে মন হে হাইনে !
আজকে আর তা চাইনে
চম্পা-ভাই পারুল-বোন
তাদের সব প্রেমের কোণ
তীরের ফলা, স্বপ্ন নিক ।

কবিতা

(রিলিকে-কে)

তোমাকে দিইনি আমি সবটুকু মন
আরো দাবি ছিল ব'লে মনের উপর।
সব দাবি মিটে যায় যখন তখন
তোমাত্তেই ফিরে আসি পাই নিজ ঘর।
আমরা সবাই মিলে কী মধুর স্বর
ঐকতান যেন, জানো, কবিতা আমার ?
না বুককে কেউ সেই মেঘ-আড়পর
আমি জানি বজ্র-অগ্নি, শীতলতা তার।

স্থির বিন্দু

(এলিজট-কে)

একটি স্থির বিন্দুতে যেতে চাই আমি।
আকাশে যেখানে এসে মেশে একটি ঘাসের ডগায়
হাওয়ায় নড়ে না যে ঘাস
তার স্থির বিন্দু যেমন তেমন বিন্দু দাও আমার
হে আমার মন-পবন !
তুমি স্থির হ'লেই তা পাব
আমার পাবন তা-ই।

র'্যাবোর প্রতি

মেয়েটি কীর্ডন গায় তারস্বরে কীর্ডনের দলে
ভোর হ'লে আসে আমাদের ছোটো রান্নার মহলে
রানী যেন যদিও সে কুটনোবঁটিতে।
বেশামেশি বাঙালে-খটিতে
এ-বস্ত্রি এ-মেয়েটি কী হবে বলো তো, র'্যাবো, ভেবে—
কোন সৈছাবাস তাকে নেবে ?

চুখক

লোকনাথ শুট্টাচার্য

আমি ছুঁতে চাই কাঠের প্রাণ, আমি ছুঁতে চাই ফুলের প্রাণ, আমি
তোমাকে ছুঁতে চাই যুগে যুগান্তরে।

আমি তোমাকে ছুঁতে চাই হাওয়ায়, আমি তোমাকে ছুঁতে চাই জলে,
আমি তোমাকে ছুঁতে চাই আলোয় অন্ধকারে, ছুঁতে চাই আমার বেদনায়।

ছুঁতে চাই যেখানে নদীরা মিললো না, ছুঁতে চাই যেখানে নদীরা মিলবে,
ছুঁতে চাই যেখানে বুখাই কেঁদে মরলো মৃত দুর্গের পাবাণ, তবু এগিয়ে এলো না
দূরে-স'রে-বাওয়া সমুদ্র।

আমি আমাকে চাই না শোনাতে, আমি আমাকে চাই না দেখাতে, ওগো
আমি তোমাকে ছুঁতে চাই, শুধু আমাকে ছোঁওয়াতে চাই যুগ হতে যুগান্তরে,
প্রাণ দিয়ে প্রাণে।

আর কী-সে দুঃস্বপ্ন প্রেম যাতে এই ফুল, এই কাঠ, এই প্রাণ-হাওয়া-অন্ধকার
আমরা সকলে হলাম একে অঙ্কুর জুমি, সবাই হলাম চুখক এই পৃথিবীর
অপরিস্রবিতের ভিড়ে।

ছটি কবিতা

কাকতাড়ুয়া

জামি না, ভয় ডানায় আছে কিনা
 জঃস্থ হাত পাথর জড়ো করে,
 নগম দেবো বিদায়ে দক্ষিণা—
 সয় না ডাক পাখির, কালোপাখির !

চাঁচায় কেন ? চেঁচিয়ে পাবে কাকে ?
 মৃত্যু যদি লুকিয়ে থাকে ডালে
 ফলের বোটা খসাবে হাঁকডাকে—
 মিশিয়ে দেবে ছড়ানো জঞ্জালে !

কী ক'রে হয় । আমার চোখে হাঁটে
 হাতটি ধ'রে শিশুর, এলোচূলে
 একদা হার বাড়ানো চৌকাঠে
 আমিই হবো গৃহস্থানী ভূলে ।

তবুও কেন চেঁচিয়ে ওঠে ভোরে
 রুগ্ন কাক, কাতর ডানা ঝাড়ে—
 সয় না ডাক পাখির, কালোপাখির,
 যত্নি কই আ-বাঁধা সংসারে ।

পূর্বাঙ্গ

প্রথমে কিছুই নেই : অহুঞ্জল রাজি ভ'রে আছে
 নক্ষত্রবিহীন বপ্নে । মৃতবৎসা গাভীটির ডাকে
 দয়র্দ্র হয়েছে কেউ । আর, আনাচে-কানাচে
 নির্ভয়ে জেগেছে নারী হাত-বদলের কোনো ফাঁকে ;
 সবাই সম্ভ্রষ্ট, স্থবী, বড়োজোর বাথপ্রমে গাঢ়,
 রেপ্তোরায় কীর্তমান, উপলক্ষে স্রোতির্যয় নেতা—
 কিন্তু তাতে কতোটুকু ! তুমি হারো, অথবা না হারো
 কোথায় কখন কেন—কেউ আর থোজে না প্রণেতা ।

পরে সব কাছে এলো । বসন্ত, পাচেন্টে এলো ব'লে
 কঙ্কার জননী আর ব্যস্ত নন, দূরের আকাশে
 আসবাব, গোলাপ, সব ডুবে যায় মগ্ন কোলাহলে—
 যেন বৃষ্টি হবে ব'লে, তাড়া নেই ইতর প্রকাশে,
 অদ্ভুত, নরম, ধীর, অলস ঘণ্টার গলা ধ'রে
 বাপ্পের প্রথম শিশু খেলা করে । খেলার প্রহরে
 নির্দোষ শ্বাপদ, কিংবা রুদ্রকাম মেয়েটির চোখে
 অস্তরং নেমে আসে । সবটুকু চায় এক চৌকো ॥

তিনটি কবিতা

বীরেন্দ্রশাপ রক্ষিত

বাঁশি

বাঁশি-বাজানো আঙুলে আছে বিষ।
আঙুনে নয়, আঁধারে নয়, গানে
পল্লবিত প্রেমিক, তুমি জাগো
ফুল-ঝরানো সাক্ষ্য অভিমানে।

বৃকের বোঝা নামিয়ে এই বেলা
অর্ধমৃত সাপ-নাচানো দেশে
যেয়ো না। তুমি নিভৃত-হওয়া নীলে
মগ্ন থেকে নিজেকে ভালোবেসে।

পথিক, তুমি প্রবাসী ঘরে-ঘরে ;
এই বিধানে বাজে তোমার বাঁশি :
অমৃত নয়, গরল ; তাই দিয়ো।
প্রেমিক, আমি তোমায় ভালোবাসি।

স্মৃতি

বিষাক্ত স্মৃতি চিরদিন রেখে বৃক্ ;
যেহেতু তারাই জীবনের যৌতুক।
ঝলকে-ঝলকে রক্ত-ঝরানো মুখে
থাকে যেন কিছু মৃত্যুরও কৌতুক।
স্বপ্নবিলাসী প্রতি মূর্ত্তে মরে,
তা নিয়ে দুঃখ কারো নেই দৃশ্যত ;

উনপঞ্চাশ বায়ুর আঘাতে, ঝড়ে
পার্শ্ব অগ্নে মহাজন হয় হত।
রৌত্র-নাচানো রঙ্গে, পাগল হাওয়ায়
ধুলোবালি দেয় ছ'চোখের দক্ষিণা,
সেই বেদনার আনন্দে ছ'বেলায়
প্রেমিক, তোমার স্মৃতিকে করি না স্মৃণা।

নাম

ফুলের নাম বকুল
প্রেমিক তাকে জানে।
তোমার কোনো নাম
নেই তো কোনোখানে।
নদীর জলে ঢেউ
সেখানে এক তান,
বনে হাওয়ার বাঁশি
সেখানে এক গান।
পথে প্রেমের স্থিতি
পথিক তাকে জানে,
তোমার কোনো নাম
নেই তো কোনোখানে।

হে তৃষ্ণা

ভ্রমর দত্ত

পুরোনো চৌকো ধুলোমাথা মুখ রুক্ষ ফটিক
অবলীন মুখ বিরাগ এড়ায়ে তুবার কাড়ে
জলপথে শোনো কী গভীর গান, জলপথে চলো হাওয়া ঠেলে মুখ
আমরা এখানে নিবিড় জনতা ধুলোমাথা মুখ।

বুষ্টির পট নেহারি বুঝেছে শরীর এখানে স্তরিত ক্ষুর
গরম পাথর লাফালাফি করে ঘরীটিকা নেই, বালুকা মৃত,
দূরে বুষ্টির বড়ো-বড়ো চোখ যেন মনে হয় অলীক দেখি
হে তৃষ্ণা, ভূমি লৌহের স্তূপ কোনোদিন ছেড়ে যেয়ো না চ'লে।

হাত খুলে পড়ে, গোড়ালি ঝরেছে, দূরে হাঁস যেন, গাজীরা চরে
জলে ভাসে দেখ পাহাড়ের রাশি দল বেঁধে দেখ নেমেছে জলে
হাঁটু ছুঁয়ে-ছুঁয়ে নেমেছে আকাশ, নিচু হ'য়ে দেখে পাহাড়রাশি
আমার আনন ধূলি-পরে লোটে, হে তৃষ্ণা, ভূমি যেয়ো না চ'লে।

আমি মুখ দেখি হ্রদজলমুখে মাঠের ললাটে পোড়ানো মুখ
পাহাড়ের ঢালে গুরু ধারাপাত বুষ্টিছায়ায় মড়ক ওড়ে,
পুরোনো চৌকো ধুলোমাথা মুখ অলীক, অলীক ফটিক রুক্ষ,
তৃষ্ণা, আমায় কিছু প্রাণ দাও, কিছু বেদনায় বাচার ভিক্ষা।

আরশি-নগর

রমেন্দ্রকুমার আচার্যচৌধুরী

আরশি-নগরে পড়শি বসত করে।
ধান ভেসে গেছে, মাছঘ বড়ক মরে ॥

লতাপাতা জামা, চিত্রিত দুটি তুঙ্গ,
স্বয়ং হাসায় শুপুরির গরিমাকে;
শাখের শব্দে আলিপুরে ফেরে হাঁস,
পড়শি আমার উঠলো পড়শিকে।
(৬-২২) মল্লমেণ্টের নিচে
জনসভা তাকে ডাকে।

ডুবে গেছে কত শান্তির সংসার।
জন্তু পোকুর দুটি চোখ দেখে ভয়,
ধ'রে আছে লোক উঁচু বাড়িটির চূড়ো,
সাহায্য দরকার।

জলে ভাসে ঘর—সাঁসনা দরকার।
কাপড় অন্ন নিয়ে উড়ে যায় প্লেন,
তারায়-তারায় অনন্ত শাদা রোদ,
গুণতে পারিনে আর।

গণক প্রেমিক ভিক্ষুকে গুলজার
রূপসী শহর—কোথায় আরশি তার ?

কবিতা

আঘাট ১৩৬৫

একটি কবিতা

অর্চন দাশগুপ্ত

রূপালি ওক-এর ফুলে তরাইয়ের উজ্জ্বল সকাল
একটি আশ্চর্য নদী নির্জন নিজেকে মেলে দিয়ে

এখানে খোলস কেন ? নগ্নতায় নির্ভায় শরীরে
অত্যন্ত সহজে নামি । জলের উপরে মুখ রেখে
ঠোঁটের আশ্বাদ এলো, শিরশিরে এ-নদীর ঠোঁট
অদ্ভুত নরম আর মোলায়েম জলজ আছাণ,
হাওয়ায় নিখাস কারো, রোমে-রোমে স্রোতের আঁচুল
চোখে ঘুম এনে দিলো, অল্পতবে অজ্ঞ এক নদী :

একদা বলিষ্ঠ রোদে এ-জলের প্রথম প্রাবনে
যে-দ্রবস্ত তাগাদায় প্রাণগুলি বহুধা হওয়ার
অনিশ্চয়ে ভেসেছিলো, ফিরে এলো জলের আশ্রয়ে
হিংস্র হাঙরের মতো স্বাভাবিক শিকার শরীরে ।

আমার সমস্ত শিরা ভুবে গেলো ক্রমশ কখন
বরফের মতো এক আঙনের নীলাভ ঠাণ্ডায় ।

কবিতা

বর্ষ ২২, সংখ্যা ৪

গনেট

শক্তি চট্টোপাধ্যায়

জটিল পাহাড় তুমি বেদনার্ত বানী পাঠিয়েছো ;
দুধারে সবুজ রেখা, আরেক সবুজরেখা জলের ভিতরে
খেলা করে, রূপালি বা রক্তিম মাছের পুঞ্জ, জল স'রে স'রে...
অবিরল বৃকে লাগে অবিরল কোথাও স্তনেছো ?

জটিল পাহাড় তুমি নদী জাগে নদীর ভিতরে
মগ্ন পাহাড়ন, তার তরঙ্গিত নখে ছেঁড়ে বেড়ালের মতো
তীর বা বিচ্ছিন্ন কাঁটা, দ্বীপ আর ভাসমান যত
ভোজ্যবস্ত—প্রণয়ী ; সে হাহাকার উন্মোচিত করে ।

এ মাছগুলি, গুয়া হ্রদয়ের কাছে ছিলো অরণীর কাল—
হৃদয় কর্তাল কোন হৃদয়ত বন্যবেশে নীল মুহু ফরে
কালো জ্যোৎস্না, আলোকিত কালো জ্যোৎস্না চারিদিকে ঝরে...
তার মগ্ন অন্ধ চলা দৃষ্টিহীন অন্ধ চলা চূড়া ক্ষুদ্র হাসে—
লালসা বহায় দূরে অতিদূরে অত্র-উর্গাজাল
চূড়ার চরণ থেকে স'রে যেতে পারবে না প্রভাসে ।

কবিতা

আষাঢ় ১৩৩৫

‘ল্য ফ্যার ছ্য মাল’ থেকে

শাল বোদলেয়ার

সে-রাতে ছিলাম...

সে-রাতে ছিলাম কদাকার ইহুদীরাশি পাশে,
পাশাপাশি দুটো মুতদেহ যেন এ গুকে টানে ;
বার্খ বাসনা ; পণ্য দেহের সম্মিধানে
সে-বিষাদময়ী রূপসী আমার স্বপ্নে ভাসে ।

মনে পড়ে গেলো সহজাত রাজভক্তি তার,
দৃষ্টললিতে সে-কটাক্ষের সরসগাম,
গন্ধমদির মুকুটের মতো অলকদাম—
যার স্থতি আনে প্রণয়ের পুনরঙ্গীকার ।

ও-বরতরুতে চুখনরাশি দিতাম ঢেলে,
শীতল পা থেকে কালো চুল পর্বত
ছড়িয়ে গভীর সোহাগের মণিরত্ন,—

বিনা চেষ্টায় যদি এক ফোঁটা অশ্রু ফেলে
কোনো সন্ধ্যায়—নিঃস্বপ্নমতী হে রূপবতী !—
মান করে দিতে ঠাণ্ডা চোখের তাঁর জ্যোতি ।

বারান্দা

প্রিয়সী, স্থতির মাতা, দয়িতার ঈশ্বরীপ্রতিমা,
হে তুমি, সর্বত্র স্বপ্ন, বাসনার সর্বত্র আমার !
মনে কি পড়ে না সেই সোহাগের স্নিগ্ধ মধুরিমা,
সন্ধ্যার উদার মায়ী, অগ্নিকুণ্ডে আতিথ্যবিস্তার,
হে তুমি, স্থতির মাতা, দয়িতার ঈশ্বরীপ্রতিমা ।

চুল্লির জ্বলনে দীপ্ত সেই সব সন্ধ্যার প্রয়াণ !
সন্ধ্যা নামে বারান্দায়, রক্তিম গুণ্ডনে রমণীয়—
পেলব তোমার বক্ষ, অন্তরে কী অমল কলাণ !
কত কথা আমাদের—ধ্বংসহীন, অবিশ্বরণীয়—
চুল্লির দহনে দীপ্ত সেই সব সন্ধ্যার প্রয়াণ !

কোমল সন্ধ্যার তাপে কী হৃদয় সূর্যের সস্তার !
কী গভীর অন্তরীক্ষ ! স্ফীত প্রাণ কেমন বিখাসে !
তোমার আননে স্নুঁকে, ওগো রানী, আরাধ্যা আমার,
মনে হয় তোমার শোণিতগন্ধ পেয়েছি নিখাসে ।—
সেদিন, সন্ধ্যার তাপে, কী হৃদয় সূর্যের সস্তার !

নেমে আসে রাত্রি, যেন অবরুদ্ধ অনন্দমহল,
তোমার চোখের তারা অন্ধকারে আমার উজ্জ্বল,
নিখাসে তোমার ভ্রাণ—কী মধুর, তীব্র হলাহল !
ঘুমায় আমার হাতে, ভ্রাতৃত্বাবে, পা ছুঁতি তোমার
যবে রাত্রি নামে, যেন অবরুদ্ধ অনন্দমহল ।

জানি আমি মন্ত্র, যাতে আনন্দিত মুহুর্তেরা ফেরে,
আমার অতীত, দেখি, তোমার জাহ্নতে রাখে মাথা,
আর কোথা খুঁজে পাই লাভ্যময় তোমার রূপেরে
যদি না তোমারই প্রাণ হৃদয় তছতে রয় গাঁথা ?—
জানি সেই মন্ত্র, যাতে আনন্দিত মুহুর্তেরা ফেরে !

সেই সব অঙ্গীকার, গন্ধ, আর অনন্ত চুখন,
অগম্য গহ্বর থেকে আবার কি জন্ম নেবে তারা,
অন্তল সিদ্ধুর তলে স্থান করে সূর্যের যৌবন

বেমন ন্তন হয়ে আকাশের প্রান্তে দেয় শাড়া ?
—হায়, সব অঙ্গীকার, গন্ধ, আর অনন্ত চূষন !

ভূতে-পাওয়া

আজ কখনে আবৃত সূর্যে তোমার মিল ।
জীবনের চাঁদ ! তারই মতো মুখে টানলে ছায়া ;
হও ঘুমন্ত, গভীর, মুক, বাপসা ধোঁয়া,
বা নিবেদের অতলে ডুবিয়ে দাও নিখিল ;

তেমনি তোমাকে ভালোবাসি ! তবু, মরজি হলে
এসো না বেরিয়ে গ্রহণমুক্ত তারার মতো
প্রগল্ভতার প্রলাপ যেথায় বিঘ্নিত,
ওঠো খাপ থেকে দীপ্ত ছুরিকা হঠাৎ বা'লে !

জলে নাও বাড়লঠনে ঐ চক্ষুজোড়া !
লুকু চোখের লালসে জলুক বখাটে ছোঁড়া !
আখুটে, অক্ষুণী—বা ভূমি, আমার স্নহ তাতেই ;

বা-ই হও, কালো রাত্রি অথবা রঙিন ভোর,
আমার রক্ত তনুতে একটি তন্তু নেই
বা বলে না : “প্রিয় রাকসী, আমি পূজক তোর !”

সাক্ষ্য স্মর

এই তো সেই লয়, যবে বৃন্ত-পরে ছলে
প্রতিটি ফুল মিলিয়ে যায় যেন ধূপের ধোঁয়া ;
গন্ধ আর শব্দ নিয়ে ঘূর্ণমান হাওয়া ;
করণ ভালুজ্-নাচের তাল কেনিয়ে ওঠে ফুলে ।

প্রতিটি ফুল মিলিয়ে যায় ধূপের ধোঁয়া ;
বেহালা, যেন আভুর প্রাণ, তীর তান তোলে ;
করণ ভালুজ্-নাচের তাল কেনিয়ে ওঠে ফুলে ;
বেদীর মতো আকাশে নামে বিধাদখন মায়ী ।

বেহালা, যেন আভুর প্রাণ, তীর তান তোলে ;
কোমল প্রাণ, ঘৃণা তার শূন্স কালো বাওয়া ।
বেদীর মতো আকাশে নামে বিধাদখন মায়ী,
রক্তঝরা উদগিরণে সূর্য যায় গ'লে ।

কোমল প্রাণ, ঘৃণা তার শূন্স কালো বাওয়া,
কুড়িয়ে নেয় অতীতে যত আলোর কণা জলে ;
রক্তঝরা উদগিরণে সূর্য যায় গ'লে...
তোমার স্মৃতি আমার বৃকে তর্জনীর ছোঁওয়া ।

বিতৃষ্ণা

হাজার বছর যেন বেঁচে আছি, এত স্মৃতি জমেছে আমার ।

ভারাক্রান্ত প্রকৃাও দেৱাজ এক, খোপে-খোপে যার
রয়েছে দলিল, পত্র, প্রেমপত্র, শব্দা উপন্যাস,
হলুদ রশিদে মোড়া কবেকার দীপ্ত কেশপাশ—
তারও বেশি গুপ্ত আছে যগজের বিষয় কোটরে ।
সে যেন গহ্বর এক, পিরামিড ; বিরাট জঠরে
যত শব ধরে, তত গোরস্থানে কখনো পড়ে না ।
—আমি এক আঁধার কবরখানা, চাঁদের অচেনা ;
যুঁত যেন মনস্তাপ, দীর্ঘায়িত কুমিরা সেথায়
যে-যুত আমার প্রিয়, তাকে নিত্য খুঁটে-খুঁটে যায় ।

কবিতা

আষাঢ় ১৩৬৫

বিবর্ণ গোলাপে ভরা আমি এক জীর্ণ অন্তঃপুর,
সেকেলে কাঁচুলি, জামা ঝুলে আছে বিলম্ব, প্রচুর,
আর শুধু করুণ পাষ্টেল-চিত্র, দুটি মান বৃশে*
অন্তঃসারশূন্য এক করকের গন্ধ নেয় শুবে।

এই খণ্ড দিবসের দীর্ঘতায় কে পারে ছাড়াতে—
যখন, তুষারময় বৎসরের হিমার্ঘ কারাতে
ব্যাপ্ত হয় নির্বেদ—চেতনারিক্ত জড়ের সম্মান—
ব্যাপ্ত হয় অমরভে, অন্তহীন ধার পরিমাণ।
—আজ থেকে সপ্রাণ পদার্থ, তোর স্বরূপ নিশ্চিত
শুধু এক শিলাখণ্ড, নামহীন ত্রাসে পরিবৃত,
পুরাতন ফিফস এক সাহারার অশ্পষ্ট অকূলে
তন্ত্রায় বিলীন, তাকে উদাসীন বিশ্ব রয় ভূলে,
মানচিত্রে নাম নেই, পাশবিক ভঙ্গিমায় তার
ফণিক স্ফীন্তরাগ গান গায় শুধু একবার।

বিতৃষ্ণা

আমি যেন রাজা, যার সারা দেশ* বৃষ্টিতে মলিন।
ধনবান, নষ্টশক্তি, সুবা, তবু অতীত প্রবীণ,
শিক্ষকের নমস্কার প্রত্যাহ যে দূরে ঠেলে রেখে,
শিকারি কুকুর নিয়ে স্লাস্ত করে নিজেই নিজে।
কিছুই দেয় না স্থপ—না মৃগয়া, না শ্বেদচালন,
না তার অলিদন্তলে গুস্তপ্রায় তারই প্রজাগণ।

*ফ্রান্সোয়া বৃশে (Francois Bouchet) : ১৭০৩-১৭৭০। ফরাশি চিত্রকর,
সমকালীন অভিজাত-সমাজের প্রিয়পাত্র ছিলেন।

কবিতা

বর্ষ ২২, সংখ্যা ৪

মনঃপূত বিদ্যুৎ প্রহসনে যত গান গাঁথে,
আনত ললাট থেকে রোগরেখা পারে না সরাতে;
ফুলচিহ্নে আঁকা তার শয্যা, তাও নেয় রূপান্তর
কবরে, এবং যায় সাধনায় রাজারা হৃদয়,
জানে না সে-মেঘেরাও, লজ্জাহীন কোন প্রসাদনে
আমোদ ফোটানো যায় এ-তরুণ কঙ্কালের মনে।
করেন কাঙ্ক্ষনশৃষ্টি, সে-মুনির মেলেনি সন্ধান
কোন বিষময় দ্রব্যে অহোরাত্রি নষ্ট তার প্রাণ।
এমনকি রক্তস্রাব, লিপ্ত যাতে সব ইতিহাস,
পুরাতনী রোমকের, অর্বাচীন দস্যুর বিলাস,
তাও এই যুগ শবে তাপলেপ পারে না জ্ঞোপাতে,
লিখির সবুজ স্রোত—রক্ত নয়—বহে যে-শিরাতে।

কবর

আজকে তোমার যে-তরুর অভিমান,
কোনো গম্ভীর নিশার অন্ধকারে
দয়া করে এক নোংরা নালায় ধারে
তাকে গোর দেবে কোনো সংশ্লিষ্টান।

সাপ্তী তারার অধিকৃত সেই ক্ষণে
জ্যোতিষদের চোখেও ঘূমের চাপ
নেমে আসে, আর মাকড়শ জাল বোনে,
বিবাক্ত ডিমে বাজা ফোঁটায় সাপ।

অভিশপে সংবিক্র মাথার 'পরে
শুনবে কেবল, সকল বছর ভ'রে
তরুদের চাঁৎকার অশ্রাস্ত,

কবিতা

আষাঢ় ১৩৬৫

কাদে আধপেটা ডাইনি বড়ির গোষ্ঠী
হাবা লম্পট বড়োর ফটিনটি,
চোর, গুণ্ডার শয়তানি চক্রান্ত।

ধ্বংস

দামাল পিশাচ, নিত্য আমার পাশে
বাতাসের মতো অতল, সাঁংরে ফেরে,
তাকে পান ক'রে জ্বালা ধরে ফুশফুশে
শাখত পাপলিপায় যাই ভ'রে।

আমি শিল্পের প্রেমিক, সে-কথা জেনে
মোহিনী নারীর মূর্তি কখনো ধরে,
মজায় অধর অকথা অহুপানে
ধর্মরাজ নানা ছলছুতো ক'রে।

গাঢ় প্রাস্তর, নির্বেদে অফুরন্ত,
সেদিকে ছুটিয়ে করে সে আমাকে ক্রান্ত,
খেঁধা ভগবান দেন না কখনো দৃষ্টি,

আর বিহ্বল আমার চক্ষু জুড়ে
হানে ধ্বংসের রক্তলোলুপ গোষ্ঠী
কাটা ঘা, পুঞ্জের নোংরা ছাকড়া ছুঁড়ে।

এক শব্দ

কী আমরা দেখেছিলুম হঠাৎ পথের মোড়ে
গ্রীষ্মমধুর দিনে,
শিলার শয়নে গলিত জন্তু রয়েছে প'ড়ে—
প্রেয়সী, পড়ে কি মনে ?

কবিতা

বর্ষ ২২, সংখ্যা ৪

আর্দ্র নারীর ধরনে শূন্য পা ছুটি তোলা,
তাপে, ঘামে বিষ কীর্ণ,
লঙ্কাবিহীন উদাসীনভাবে উদর খোলা,
বিকট বাপে পূর্ণ।

প্রকৃতির দান এ-পুতিপুঞ্জে রাখবে বলে
রৌদ্ররশ্মি জ্বলছে,
ফিরে দেবে শত খণ্ডে, যা তিনি মহৎ বলে
মিলিয়েছিলেন গুচ্ছে ;

উত্তম শব, আকাশ দেখছে দৃষ্টি মেলে,
ফুটলো ফুলের মতো,
এমন তীব্র গন্ধ, ভেবেছো হঠাৎ টালে
ঘাসে প'ড়ে যাবে না তো ?

ঝাঁকে-ঝাঁকে মাছি প'চে-ওঠা গলা জঠর ছেয়ে ;
আর নামে, অবিরল,
ঘন, কালো স্রোতে সপ্রাণ ছেঁড়া টুকরো বেয়ে
কুমির সৈন্যদল।

আর এই সব ওঠে আর পড়ে চেউয়ের মতো,
কাঁপে আচমকা স্বনে ;
যেন সে-শরীর শিথিল বায়ুতে নিঃশব্দ,
জীবিত পুনর্জন্মনে।

সে এক জগৎ, অদ্ভুত স্বর বারে তা থেকে,
যেন জল গতিমন্ত,
কিংবা বাতাস, কিংবা কুলোয় ঘুরিয়ে বোঁকে
শস্ত বাছার ছন্দ।

যত আছে রূপ, স্বপ্নে সকলই বিলীয়মান ;
আর, বিম্বত পটে,
শিল্পীর কৃতি, বিকল্পহীন স্মৃতির দান,
ধীরে রেখা ফুটে ওঠে ।

দূরে, অস্থির কুকুরী এক, কষ্ট চোখে
আমাদের করে লক্ষ্য,
কখন কিরিয়ে নেবে কঙ্কালপিণ্ড থেকে
তার খণ্ডিত ভঙ্গ্য ।

—আর তবু তুমি—তুমিও হবে এ-বিষ্ঠাধারা,
জঘন্য কীটপংক্তি,
আমার স্বভাবী সূৰ্ব, আমার চোখের তারা
দেবদূত, সংরক্তি !

তা-ই হবে তুমি, অন্তরুক্ত সাদ্ধ হ'লে,
ওগো লাভগপ্রতিমা,
যবে, অস্থির আধারে, নধর ফুলের তলে
বিনষ্ট হবে তনিমা ।

তাহ'লে, রূপসী, বোলো সে-স্কমির বংশে, যার
চূষন করে গ্রাস,
আমি বাঁচিয়েছি ধ্বংস প্রেমের আকৃতি, আর
স্বর্গীয় নির্দাশ ।

[এই গৃহের কোনো-কোনো অন্তরালের প্রথম লেখন ইতিপূর্বে 'কবিতায় বা
অন্যর প্রকাশিত হইয়াছিলো]

ভাষান্তরে আন্তিগোনে

অলোকরঞ্জন দাশগুপ্ত

ফাদার রবার্ট জ্যাকোয়ানকে এই অম্ববাদকর্ম উৎসর্গ করে তাঁরই একটি
কৌতুকঘন অভিযোগের উত্তর দিছি। যদিও এই অম্ববাদচেষ্টার সঙ্গে প্রথম
থেকে শেষ পর্যন্ত তিনি সংলগ্ন ছিলেন, তবু বহুদিন আগে তাঁর মুখ থেকে শোনো
'traduttore traditore' বলে সেই ইতালীয় প্রবাদটি আমি কখনো
জুলিনি। দেখতে প্রায় একরকম এই দুটি শব্দের মধ্যে 'u' এবং 'i'-এর স্বর-
বৈষম্য ছাড়া আর কোনো তফাৎ নেই, অথচ এই স্বরান্তরের মধ্যেই এমন একটি
চূড়ান্ত শ্রেণ লুকিয়ে আছে, যার ছদ্ম ইংরেজি হলো : 'a translator is a
traitor'—অম্ববাদকর্মকেই বিশ্বাসঘাতক। এ-রকম অভিযোগ সন্দেহও
বিশ্বসাহিত্যে অম্ববাদের মধ্যস্থতায় সর্বগ সবার দায়িত্ব নিতে পারে। প্রসঙ্গত,
আন্তিগোনে অম্ববাদের অভিজ্ঞতা সংক্ষেপে জানাই।

গ্রীক সাহিত্যের অগ্রণী শিল্পকের এই সাবধানবাণী স্মরণীয় : 'হোমারিক
গ্রীক ভাষাকে তার অগ্রজ্ঞা অর্থাৎ প্রাচীন ভারতবর্ষের সাহিত্যে অম্বহত ভাষার
সঙ্গে তুলনা করে তাদের ব্যবধান অম্বধাবন করে। ধনিমূল্যে অথবা রূপতন্বে
সংস্কৃত হ'লো আরো প্রাচীনপন্থী। যে-ভাষা পরিবারের এর জন্ম তার সঙ্গে এর
স্বল্প গঠনবৈশিষ্ট্যের যোগাযোগ ভাষান্তরের ছাত্রের অবধানযোগ্য। গ্রীক ভাষার
আকর্ষণ অন্তত...সে হ'লো গ্রীক মনেরই মূর্তরূপ।' ('The Growth and
Influence of Classical Greek Poetry' : R. C. Jebb) তবু প্রতীচী-
জগৎ ও হেলেনিক ভাবনার সম্পর্ক কতটা ও জননীর, এবং প্রাচীন গ্রীক ও বৈদিক
সংস্কৃতের সম্বন্ধ—উপরের ইঙ্গিতটিকে সম্প্রসারিত করেই বলছি—আন্তিগোনে ও
ইসমেনের মতোই সহোদরাবন্ধনে আবদ্ধ হ'য়ে আছে। সেই ক্ষুদ্রটিকে যথাসাধ্য
কাজে লাগানোর আয়োজন করেছে। বিশেষত ঋগ্বেদের মন্ত্র গমিবিষ্ট করে
গ্রীস ও ভারতবর্ষের দুঃস্থ সংস্কৃতিত করতে চেয়েছি। এখানে কয়েকটি অনিবার্য
দৃষ্টান্তের অবতারণা করি। দ্বিতীয় কোরাসের প্রথম আন্তিগোনের প্রথম

কবিতা

আষাঢ় ১৩৬৫

দুই পংক্তিতে আগের ষ্ট্রোফের শেষ দুই চরণের বেশ রাখবার জন্তে এই মন্বটি রেখেছি :

দ্বোম্পিত্ত: পৃথিবী মাতরঙ্গগণে আতবসবো মূলতানঃ ।

বিশ্ব আদিতা অদিতে সজোবা অশ্বতাঃ শর্ম বহুলং

বিয়ন্ত ॥ (৩-৫১-৫)

(হে পিতা স্বর্গ, মাতা পৃথিবী, ত্রাতা অগ্নি ও বহুগণ আমাদের প্রসন্ন করো ।

অদিতির পুত্রগণ ও অদিতি, তোমরা সম্মিলিত হ'য়ে আমাদের পর্ধাপ্ত প্রশান্তি দান করো ।)

ষষ্ঠ কোরাসের প্রথমে মূল্যভাগ বাসদে এই মন্ত্রের ঈদংশ উদ্ভূত করেছি :

ইন্দ্রং মিত্রং বরুণমগ্নিমাহরথো

দিব্যঃ স স্থপার্ণা গরুত্মান ।

একং সন্ধিপ্রা বহুধা বদন্ত্যগ্নিঃ

যমং মাতরিখানমাছঃ ॥

(১-১৬৪-৪৬)

(আদিতাদেবকে বিচক্ষণ ব্যক্তির ইন্দ্র, মিত্র, বরুণ ও অগ্নি বলে অভিহিত করেন ; হ্রদর পাখায় তিনি গতিশীল । তিনি এক হ'লেও বহুধা বলে কথিত হন ; অগ্নি, যম ও মাতরিখা নামে এর পরিচয় ।)

বিচলিত ভাবিকথক তাইরেসিয়ানের মূখে এই মন্ত্রটি বসানো হয়েছে :

তন্নো দেবা বহুত স্থপ্রবাচনং ছর্দিরাদিত্যাঃ

ভরণং নৃপাযাং ।

পশ্বে তোকায তনয়ায় জীবসে

স্বত্ত্যগ্নিং সমিধানমীমহে ॥

(১০-৩৫-১২)

(দেবসম্মত, তোমাদের প্রতি উদ্দিষ্ট যজ্ঞের সফলতা ইচ্ছা করে। আদিতাগণ, রিত্তপূর্ণ রাজগৃহ দাও । আমাদের পশু, পুত্র, পৌত্র ও পরমাণু প্রভৃতি বিষয়ে অগ্নির সমীপে যত্নিকল্যাণ প্রার্থনা করি ।)

কবিতা

বর্ষ ২২, সংখ্যা ৪

প্রসন্নশারঙ্গো, পোলুনাইকেসের মৃতদেহ সংস্কারমূহুর্তে আবহ-আবৃত্তির জন্ত দুটি শ্লোক সমাক্রান্ত হয়েছে :

যতে কৃষঃ শকুন আতৃতোদ পিপীলিঃ সর্প উত বা শ্বাপদঃ ।

অগ্নিগৃধ্রিশ্বাশগদং রূপোত্ সোমশ্চ যো ত্রাঙ্গর্পা আবিবেশ ॥

উজ্জ্বলঃ পৃথিবী মা নি বাধথাঃ স্থপায়নাশ্চৈ ভব স্থপবঞ্চনা ।

মাতা পুত্রং যথা সিচাভোনং ভূম উর্ধাশি ॥

(যথাক্রমে ১০-১৬-৬ ও ১০-১৮-১১)

(হে মৃতজন, কাক শকুন পিপীলি পড়ে সাপ কিংবা শ্বাপদ তোমার দেহের যে-সব অংশ আহত করেছে, সর্বত্রক অগ্নিদেব সেই সমস্ত আঘাত নিরাময় করুন । পৃথিবী, এই মৃতজনকে ভূমি যন্ত্রণা দিয়ে না, মর্গদা দিয়ে না । স্থপদামগ্রী দিয়ে, হ্রদর প্রলোভন দিয়ে । মা যেভাবে নিজের ঔাচলে সন্তানকে সংব্রত করেন, ভূমিও তেমনি ওকে আবৃত্ত ক'রে রাখো ।)

ছালোকদেবতা জিউস্ কালক্রমে জুপিটারে বিবর্তিত হয়েছিলেন বলেই যে প্রথম কোরাসে বৃহস্পতিবন্দনার ক্রিষ্টপ-শ্তোত্রটি (৫-৫০-৪) প্রথম কোরাসের সূচনায় গৃহীত হয়েছে, তা হয়তো নয় । সত্ত্ব-শেষ-হ'য়ে-যাওয়া যুদ্ধের স্বামুশ্পন্দন নিয়েই কোরাসটির আরম্ভ এবং স্বর্গদেবকে সরাসরি শ্তোত্রনিবেদন না-ক'রে স্বর্গরশ্মিরই উল্লেখ সেখানে লক্ষ্য করা যায় । তাছাড়া সারারাত্রির চুর্ধোগের পর সেখানে স্বর্গোদয়ের সঙ্গে-সঙ্গেই সরল স্বর্গপ্রণাম মনস্তত্ত্বসংগত না-হওয়াই স্বাভাবিক । অতর্কিত, বৃহস্পতি জ্যোতিষমণ্ডলের দেবগুণ হিসাবে রাত্রির যে-কোনো অংশে আবির্ভূত হ'তে পারেন, এই ধরনের ঐতিহ্য আমাদের মধ্যে প্রচলিত । স্মরণ্যৎক্ষেত্রে তাকে আগে এনে পরে স্বর্গকে বন্দনা জানানো হয়েছে ।

গ্রীক দেবতারায় যত কঠোর ততই নমনীয় । 'দেল্ফিনশিবে থ্যাট্-দের রোমাঞ্চকর মন্ত্রতন্ত্র একই সঙ্গে আপোলেও দিয়ুসুসানের উদ্দেশে পাঠানো হ'তো ; এরা দুজনেই সংগীতজ্ঞ ও দৈবজ্ঞ । থেবাই ও স্পার্টার কোনো-

কোনো অঞ্চলে আপোলার নামে যে-উৎসব অঙ্কিত হ'তো, তা নামমাত্র আপোলীয় এবং বস্তুত দিয়ুসীয়। ক্রেতে দেশে তিনি জিউসের সঙ্গে সমীকৃত হয়েছিলেন, থ্রাকে দেশে সমর-দেবতা আরেসের সঙ্গে। আর্গোসের পুরাণে প্রোইতোসের কন্ডাদের নিয়ে যে-কাহিনীটি আছে, সেটি সম্পর্কে প্রত্নতত্ত্বজ্ঞেরা এখনো মনস্থির ক'রে বলতে পারেন নি যে দিয়ুসাস্ ও হেরার মধ্যে কোনজন সেই মেয়েদের উন্নত ক'রে তুলেছিলেন। এই সব অভিজ্ঞান যেখানে চরম সে-সব ক্ষেত্রে আপোলো কি দিয়ুসাস্ কি হেরা সবাই স'রে যান, আদি কৌমদমাজের ছন্দোময় ব্রতপার্বণ আন্তে-আন্তে আমাদের দৃষ্টিতে ফুটে ওঠে।'

('Æschylus And Athens' : George Thomson)

একাদিক স্থলে জিউস্ বা আরেস্ বা দিয়ুসাস্কে তাই আঞ্চলিক দুর্গমতা থেকে সরিয়ে এনে অহুৎসে স্দৃশ কোন-কোনো ভারতীয় দেবতার পাশাপাশি বসিয়েছি। এ-ভাবে পাশাপাশি বসালে ছুটি নামের সান্নিধ্যে সেই নাটকীয় মুহূর্তের ইষ্টার্থ সাধিত হয় এবং গ্রীস ও ভারতবর্ষ একটু মহাদেশের অভিন্ন আকাশের নিচে মিলিত হ'তে পারে।

আমার উক্তির সমর্থনকল্পে ইন্দো-গ্রীক রাজাদের ছুটি মূত্রার বিবরণী পর-পর এখানে তুলে দিয়ে পাঠকদের উপরে এর সন্তান-বিস্তারের ভার অর্পণ করতে চাই :

- ১। দ্বিতীয় দিয়ুসিতাস্, ব্যাকট্রিয়ার রাজা (২৪৫-২৩০ খ্রীষ্টপূর্বাব্দ)
স্বর্ণমূত্রা । ১৩০ ভাগ সোনা । সামনের দিকে রাজার নিটোল মুখাবয়ব ।
উন্টোদিকে : বা দিকে লম্বা পা ফেলে নয় জিউস্ ।
ডান হাতে সজোরে বজ্রাঘ্রুদ নিক্ষেপ করছেন ।
বাঁ হাতে ঢাল ; বাঁপায়ের কাছে একটি ঈগল ।
বাঁ দিকে মালা । মূত্রালেখ ডানদিকে ।
- ২। রৌপ্যমূত্রা—আমুস্দের মূত্র : (আমুস্ ৮৫-৭৫ খ্রীষ্ট পূর্বাব্দ)
সামনের দিকে : শিরস্ত্রাণসজ্জিত আমুস্দের আবক্ষ মূর্তি ডানদিকে

তাকিয়ে ; উন্টোদিকে : সিংহাসনে জিউস্, পারাস্ দেবীকে প্রসারিত ডান হাতে ধ'রে আছেন ; বাঁ হাতে রাজদণ্ড ও পাম গাছের পাতা ।
উপরে মূত্রালেখ এবং নিচে আমুস্দের নাম ।

(প্রথমটির নিশানা : V. A. Smith P. 7
Catalogue of the coins in the
Indian Museum, Calcutta.

দ্বিতীয়টির নিশানা : কাবুল মিউজিয়মে
রক্ষিত ; এবং A. K. Narain-এর The
Indo-Greeks বইয়ের শেষের দিকে পঞ্চম
চিত্রফলকে মূত্রিত)

গান্ধারশিল্পের মধ্যে গ্রীক শিল্পরীতি যে-অর্থে অনুদিত হয়েছিল, উপরে উদ্ভূত
ছুটি মূত্রা-পরিচয় সেই অর্থে গ্রীক দেবতাদের নবলক্ষ্য ঘোষণা করছে না ; বরং
মনে হয় প্রথম ছবিতে দিবস্পতি ইন্ডের সঙ্গে তিনি খুব স্বাভাবিকভাবেই
নিজেকে মানিয়ে নিতে পারেন, এবং দ্বিতীয় ছবিতে প্রজাময়ী নগরলক্ষী পারাস্
দেবীকে তিনি যে ধ'রে আছেন, ভারতবর্ষীয় দেবদেবীর একান্ত পরিচিত মূর্তির
সহযোগিতায় তাও চোখে লাগে না। গ্রীক দেবমণ্ডলেই এ-রকম সন্তান-
নিহিত ছিল এবং তাই উরেনাস্-জোনাস্-জিউস্—এঁদের ভিতরে একটি
নির্দিষ্ট কালপর্ব আছে। একজনের পর একজন আসছেন, রূপ থেকে রূপান্তরে
তাঁর বৈশিষ্ট্য বাড়ছেই। এ-কথা মনে রেখে জিউসের পাশে, অবস্থা অহুৎসায়ী
বিষ্ণু বা আদিত্য বা অজ দেবতাকে সন্নিবিষ্ট করা সহজ হয়েছে। বেদে
বিষ্ণুর যে-বর্ণনা আছে সেটি প্রধানত আদিত্য-বর্ণনা, এবং এই রকম আরো
কয়েকটি সন্তান-সাদৃশ্যের সূত্র নিয়ে ইন্ডের পাশে আরেস্, বা অতহুর পাশে
এরোস্কে এনেছি। অবশ্য সর্বত্রই যে এই রকম অঙ্গাদ্বী সন্নিবেশ করিনি,
সে-কথা বলা বাহুল্য ।

'আর্গোন' বা ঘটনগতির সঙ্গে 'মুথোস' বা বিয়ুতি গ্রীক নাটকের একটি
বড়ো বৈশিষ্ট্য। বিয়ুতির ও নাটকীয় ঘটনাবগের মধ্যে 'কোরাসের' কাঙ্

সবচেয়ে দরকারি। 'সাম্প্রিকস্' ও 'ইউমেনাইদেস' নাটকে ষ্ট্রসকাইলাস্ গীতি ও গতির পরিণয়সাধন করেছেন তাতে এক-এক সময় বোঝার উপায় থাকে না, কার প্রাধান্য বেশি আর কার কম। সোফোক্লেশ্ সেই দিক থেকে আরো সচেতন এবং সে-অর্থে রবীন্দ্রনাথের 'মুক্তধারা' নাটকে ভৈরবপন্থীদের সমবেত সংগীত ও বাউলের গানের সঙ্গে আখান-বটনার আশ্চর্য টানাপোড়েন স্বরগীত এবং তুলনীয়। তাই আন্তিগোনের ছয়টি সমবেত সংগীতের ক্রমাগত বিঘ্ন হ'লো আর্গবাস্টার আক্রমণে থেবা নগরীর অতীত দুর্ধোগ; আইমোনের মধ্যবর্তিতায় উদ্ঘাটিত প্রেমের শক্তি; দানাএ, লুকাউর্গোস্ ও ক্লিওপাত্রার কারাভোগ-বহুগার সঙ্গে প্রতিতুলনা ক'রে দেখানো যে পাথরে তৈরিকবর আন্তিগোনের জ্ঞান অপেক্ষা করছে; সন্ধ্যয় দেবতা দিয়ঙ্কাসের কাছে তাঁর প্রিয় থেবা নগরীর প্রতীক্ষিত জয়োল্লাসে যোগদানের জ্ঞান উৎসে প্রার্থনা...প্রত্যেকটি কোরাসের প্রত্যক্ষ প্রভাবে সেই-সেই নাটকীয় মুহূর্ত টলমূল ক'রে উঠেছে।'

(R. C. Jebb, 'The Growth and Influence of Classical Greek Poetry,')

এই 'কোরাস' গানগুলির ভাষান্তরকালে 'choral ode' শব্দের প্রতিশব্দ নিয়ে চিন্তিত হয়েছিলাম। 'সম্মেলকসংগীত' 'দমবেত প্রবণ' 'বৃন্দগান' 'চারণগীতি' ইত্যাদি অনেক শব্দ প্রলোভিত করেছিল। 'Harmony'র প্রতিশব্দে রবীন্দ্রনাথ 'সংস্ক্রমিসংগীত' বলে যে-অর্থময় শব্দটি গ্রহণ করেছেন তা এখানে কাজ করলো না। স্তবরাং choral ode-এর সমার্থক শব্দ হিসাবে 'সংস্ক্র' কথাটি একটু দুঃসাহসের সঙ্গেই ব্যবহার করেছি। এই দুঃসাহসের তথ্যভিত্তি নীরের লোকাস :

'স্বতম্যগধবন্দীনাং সংস্ক্রবর্গীতমঙ্গলৈঃ' (মহাভারত, দ্রোণপর্ব)

Strophe-র সমার্থক শব্দ হিসাবে সামগানের 'স্তোত্র' শব্দটি প্রথম প্রলোভন হয়ে এসেছিল, কেননা নিয়তির সঙ্গে ঐ শব্দের একটা যোগ আছে। কিন্তু শেষ পর্যন্ত ভারতীয় রাগসংগীতের দ্রুতি পরিভাষা গ্রহণ ক'রে 'strophe'-র জায়গায় 'স্বায়ী' ও 'antistrophe'র জায়গায় 'অস্তরী' প্রয়োগ করেছি। 'স্বায়ী

অংশে গানের প্রকৃত প্রস্তাবনা হচ্ছে এবং অস্তরী অংশে বিঘ্নের পরিসমাপ্তি ঘটছে ও তুপ্তিদায়ক হচ্ছে।' (অমিয়নাথ সান্যাল : 'প্রাচীন ভারতের সংগীত-চিন্তা')

বিঘ্ন বা বিচ্ছাদে গ্রীক নাটকের তরীসংখ্যা ও তরীসংকেত ব্রশপার যন্ত্রের মতোই, সাধারণত গম্ভীর, সংবৃতবাক্য এবং উচ্চ পর্দায় বাধা। তার ছন্দ অমিত্রাক্ষর হ'লেও তার ভাষা লৌকিক হ'তে ভয় পায়। 'সোফোক্লেশের ভাষা যখন অত্যন্ত স্বচ্ছ, তখনো রূপকধর্মী। তবু তিনি পিণ্ডার বা এলিজাবেথানদের মতো যুবজনাচিত উৎসাহে শব্দের কুলি দিয়ে কাজ চালান না, হাতে-হাতেই বীজ বোনেন।... তাঁর মূখ্য পাত্রপ্রাজীর দীর্ঘ সংলাপে কিংবা দূতদের সংবাদ পরিবেশনের সময়ে বর্ণনামর্ধ্যতার প্রয়োজনে আরো অলংকৃত ভাষা আশা করা আশা ছিল না। কিন্তু কথাপকথনের ধর্মই সে-সব ক্ষেত্রে প্রকট। (F. J. H. Letters : The Life and Works of Sophocles)। সংস্কৃত নাটকের মতো গ্রীক নাটকে প্রারম্ভের কোনো স্বতন্ত্র বিধান নেই, স্বতরাং সব চরিত্রই সেখানে একটি সমোক্ত জায়গায় দাঁড়িয়ে কথা বলছে। তাই স্বভাবোক্তি ও বক্তোক্তি, তত্ত্ব ও তৎসম এক জায়গায় এনে সময়বিশেষে চলিত প্রবাহজুড়ে দেওয়া অসংগত মনে করিনি। 'Stichomythia' বা এক-এক চরণে নিবন্ধ কৃত সংলাপচালনা—মোহিনীমোহন মুখোপাধ্যায় তাঁর 'ষ্ট্রসকাইলাস্' বইটিতে এর বাংলা করেছিলেন 'কথা-কাটাকাটি'—আন্তিগোনে নাটকেরও একটি আকর্ষণস্থল, এবং অল্পবাদকালে বুঝেছি লেটারের 'হাতে-হাতে বীজ বোনার' তুলনাটি কতো অব্যর্থ।

কথোপকথনে মূলের পংক্তিসংখ্যা কোনো-কোনো ক্ষেত্রে দু-এক পংক্তি বেড়েছে বা কমেছে।

গ্রীক স্থান ও পাত্রের নাম অবিকৃত রাখবার চেষ্টা করা হয়েছে। তবে কখনো-কখনো শ্রুতিশোভনতার খাতিরে অদলবদল যে হয়নি এমন নয়।

এ-নাটকের উপসংহারে 'কোরাসের' সংলাপ মাত্র ছয় ছন্দে সমাপ্ত। খসড়ায় সেখানে পর-পর এই তিনটি স্বক্কেয় সংলাপের ক্রম-ক্রমে দিয়ে ঐ মিতকথনের আপাতদৃষ্ট অভাব পূরণ করতে চেয়েছিলাম :

- (১) তং সবিত্ত্ববরণাং ভূর্ণো দেবস্ত ধীমহি ।
ধियो যো নঃ প্রচোদয়াৎ ॥ (৩-৬২-১০ ঋগ্বেদ)
- (২) যো বিখতঃ স্তপ্রতীকঃ সদ্ভুৎসি দূরে
চিংসস্তলি দিবাতি রোচসে ।
রাত্র্যাশ্চিদম্হো অতি দেব পশাস্যাম্যে সখে
মা বিযামা বয়ং তব (১-২৪-৭)
- (৩) আদিং প্রত্নস্ত রেতসো জ্যোতিঃ পশান্তি বাসরম্ ।
পরো যদিধাত্তে দিবি ॥ (৮-৬-৩০)

আমার মনে এই ঋক্বেদোক্তনার পটভূমি ছিলেন সম্ভবত ভারতবর্ষের রবীন্দ্রনাথ । 'মুক্তধারা'র উল্লেখ আবার করছি । 'আস্তিগোনো' নাটকে দুই শ্রেয়োবোধের সংঘর্ষের মতো 'মুক্তধারা'তেও রঞ্জিত বিভূতি ও অভিজিতির মধ্যে অল্পরূপ দ্বন্দ্ব রয়েছে । আবার অভিজিতির মুক্তার মধ্য দিয়ে অস্তিমে যে 'পরমা নিষ্কৃতি' (catharsis) হ'লো তাকে দৃঢ় করবার জ্ঞাত ধনঞ্জয় বৈরাগীর 'চিরকালের মতো পেয়ে গেলি' কথাটির পরেও ভৈরবপন্থীর 'জয় ভৈরব, জয় শংকর' গানটির দরকার ছিল । অথবা 'নটীর পূজার কথা ওঠে । এর উপসংহারে শ্রীমতীর গান ও ভিক্ষুদের গান, অস্তিত্বের বিবাদ ও মুক্তকণ্ঠ নৈর্বাণিকতা রত্নাবলীর তিন চরণের বৃক্ষশরণমএ এসে যে-ভাবে সংহত অথচ অকূল সমুদ্রে মিশে গেছে, তার স্মরণতম আভাসও যে 'আস্তিগোনো'র উপাত্ত্যে অন্তর্ভুক্ত ছিলো এ-কথা মানতে পারি না । কিন্তু তা হ'লে এ আর গ্রীক নাটক থাকতো না । গ্রীক নাটকের শেষে আঘাতের পর আঘাত আছে, নিপীড়নের পর নিপীড়ন, তারপর আর মুখ ফুটে বেশি কথা বলার সামর্থ্য অথবা সেই দুর্বিপাক শাস্তরূপে উভীর্ণ করার উপায় থাকে না । অন্ধের শেষদিকে কোরাসকে রেখে সেনেকা যে-ভাবে তাকে স্তম্ভ করেছেন ও ঘটনাগ্রবাহের উপরে তার অনধিকার জারি করেছেন, সোফোক্লেস যে সেই অর্থে তাকে অক্ষম করেছিলেন তা নয় । নাটকীয় অভিঘাতের প্রয়োজন এমন ঘটেছে । রাসীনের 'আথেলিয়া'র শেষটুকু (৫৮) দেখে আবার সোফোক্লেসের উদ্দেশ্য বুঝেছি এবং সন্দেহ-সন্দেহে 'আস্তিগোনো'র শেষ দৃশ্যে মন্ত্রশাস্ত পরিবেশ আয়োপ করার অঙ্গায় প্রলোভন থেকে নিবৃত্ত হয়েছি ।

আস্তিগোনো

—সোফোক্লেস—

মঞ্চে উপস্থিত পাত্রপাত্রী

আস্তিগোনো খেবা নগরীর মৃত রাজা ও রানী ঈদিপাদ ও জ্যোক্তান্তার কন্ঠা
ইসমেনে তার সহোদরা
ক্রেয়োন তাদের পিতৃব্য, বর্তমানে খেবা নগরীর একচ্ছত্র শাসক
আইমোন তার সন্তান আস্তিগোনোর দয়িত
তাইরেসিয়াস একজন অন্ধ ভাবিকথক
একটি বালক তাঁর সখী
ইউক্লদিকে ক্রেয়োনের রানী, আইমোনের মাতা
ক্রেয়োনের একজন পার্শ্বচর
একটি প্রহরী
অজ্ঞাত প্রহরী ও পার্শ্বচর
খেবা নগরীর পনোরোজন প্রবীণ ব্যক্তির একটি সম্প্রদায়, তাদের মধ্যে একজন
হুজুধার ।
(প্রথম অভিনয় : আনুমানিক ৪৪১ খ্রীষ্টপূর্বাব্দে, যখন সোফোক্লেসের বয়স
অজ্ঞত পঞ্চাশ ।)
দৃশ্যস্থল : খেবা নগরীর নতুন রাজা ক্রেয়োনের প্রাসাদপ্রাঙ্গণ । সূত্র উবার
আলো এসে পড়েছে । আস্তিগোনো ইসমেনেকে আকর্ষণ করে একপাশের
দরজা দিয়ে জ্ঞাত প্রবেশ করলো ।

আস্তিগোনো

ইসমেনে শুনেছিল, ইসমেনে, বোন রে আমার !
ব'লে দে এ-ভাবে আর কত ঋণ শুধে দিতে হবে
দেবতাকে, যে আমাকে আর তোকে পুতুল নাচায়,
তোকে আর আমাকে যে মরকালের আগে মারে !

বলতে পারিস কোন্‌ দুঃখ কোন্‌ দৈবছবিপাক
বাকি আছে ? কিংবা কোন্‌ কলঙ্কের স্রিঙ্গ অপমান ?
হায় ঈদিপাস মোরা বয়ে মরি বিষয়ক্ষমল ।
আর তুই স্তনেছিস সিংহাসনে নতুন রাজার
নতুন বিধান ? না কি কানা মেয়ে তুই কালা মেয়ে
প্রিয়জন থাক তবু দেখবি না, শুনবি না কিছু ?

ইসমেনে

তোমায় মিনতি করি, একবার শোনো আন্তিগোনে
এর মধ্যে স্তনিনি তো বাইরের নতুন জোয়ার
কার পাড় ভাঙে, কার ঘর গড়ে, কিছুই বুঝিনি,
হঠাৎ যেদিন গেল ছুই ভাই একেবারে চলে
আত্মঘাতী যুদ্ধ ক'রে, তারপর কিছুই জানি না ।
সুধু জানি কাল রাতে, একরাত্রে, আর্গবাসী যত
ছত্রখান হয়ে গেছে, তারপর কিছুই জানি না ।

আন্তিগোনে । তা আমিও জানতাম, তাই তোকে সবার আড়ালে
এখানে এনেছি ডেকে চুপি-চুপি কিছু বলবো বলে ।
ইসমেনে । কী জানি তুমি কী বলবে, ভাবনা যেন তোমার তুঙ্গতে
গুরুগুরু কঁপে ওঠে ছর্ভাবনার কালো মেঘ ।

আন্তিগোনে । আমাদের ছ'ভায়ের কথা বলি, কেয়োনোর আদেশ
এক ভাই রাজকীয় মর্ঘাদায় সমাধিস্থ হবে,
অথু ভাই পাবে না সে অধিকার । এতদ্যোগেসের
শবদেহ রাখা হবে মৃতদের রাজার মতন,
কিন্তু কী মর্ঘাদা পাবে আমাদের পোলুনাইকেস ?
মৃত্যুর পরেও তার শাস্তি নেই পথে রইবে পাড়ে ?
কেউ তাকে এককাঠা কবর কি একফোটা জল
দিতে পারবে না, ব'লে দিয়েছেন, মহান কেয়োন ।

তার মানে ওরে ভাই আমাদের পোলুনাইকেস
তুই শুধু খরচকু শকুনিপাথির ভালোবাসা,
খরোঞ্জী শকুনি পাথি তোর দেহ চিরে-চিরে খাবে
তোর আর আমার জ্ঞান এ-আদেশ । ঐ যেন রাজা
এখনি এলেন ব'লে আদেশের মর্দ জানাতে ;
যে নাকি অমাঙ্গ করবে, তাকে তিনি ইহলোক থেকে
স্থানান্তরে পাঠাবেন, ঢিল ছুঁড়েবো রাস্তার মাছ
তার গায়ে, তোর গায়ে কেমন বিঁধছে এ খবর,
জানতে চাই, জানতে চাই দিবি তোর জন্মপরিচয়,
রাজার বিয়ারি, নাকি দাসের ঘরের বাঁদি তুই !

ইসমেনে । এই যদি হয় তবে আমার কী করার রয়েছে ?

আমি কে বাধা দেবাব, কেবা আমি বাধা ভাঙবাব ?

আন্তিগোনে । শোনো তুমি এই কাজে সঙ্গে-সঙ্গে থাকতে পারবে ?

ইসমেনে । কোন কাজে ?

আন্তিগোনে ।

মৃতদেহ তুলে ধরতে হবে, মৃতদেহ

তুলে ধরবার কাজে হাতে-হাতে সাহায্য করবে ।

ইসমেনে । কী, তুমি কবর দেবে তাকে ? তুমি রাজাজ্ঞা মানবে না ?

আন্তিগোনে । সে আমার সহোদর, আশা করি তোমারো সে ভাই,
বেআইনি হ'তে যদি ভয় করো, জন্মেপ করি না ।

ইসমেনে । কেয়োনকে মানবে না ? তুমি কি পাগল হ'লে ?

আন্তিগোনে ।

আমি

আমাকে মানতে চাই, তিনি কেন হাত দিতে যান ?

ইসমেনে । মনে ভাবেবা আন্তিগোনে মোদের পিতার সর্বনাশ ;

কী ক'রে গেছেন তিনি জন্মের মতন শেষ হ'য়ে,

নিজের কাছেই নিজে সাবাস্ত করুন অপরাধী

কবিতা

আষাঢ় ১৩৩৫

যুগিত, অস্বাভাবিত, হৃতদৃষ্টি ; তাঁর ছুটি চোখ
নিজেরি হৃহাতে উপড়ে নিয়েছেন তিনি, আর যিনি
একসঙ্গে তাঁর জায়া ও জননী, তিনি গাঁঠিছড়া খুলে
ফাঁস প'রে অসময়ে ফেলেছেন শেষ নিশ্বাস।
মনে ভাবো আমাদের অহুধী ছু ভাই—তুই ভাই।
ছারখার হয়ে গেছে আত্মঘাতী যুদ্ধের আশুনে।
আজ্ঞা তাখো আমরা দুজন এক, রাজার বিধান
না মানলে আমাদেরো পরিণাম তাদের মতন।
আমরা দুজন একা, আন্তিগোনে, মোরা শুধু নারী,
আমরা শুধু যে নারী, পুরুষের সঙ্গে পারবো না,
আমরা তাদের প্রজ্ঞা, সর্বসহা, ধৈর্যমাত্রসার,
যারা পরলোকগত সবাকার ক্ষমা চেয়ে আমি
জীবিত প্রকুর কাছে ছায়ার মতন অহুগত ;
সাধের বাইরে যাওরা আমাদের পক্ষে যে মৃচতা !

আন্তিগোনে। অনেক হয়েছে, ধামো। ভবিষ্যতে আর কোনোদিন
তোর সহায়তা চাই না, শুভেচ্ছার প্রয়োজন নেই ;
আমার ভাইকে দেবো সমাধির শান্তি, সেইজ্ঞ
মৃত্যু যদি প্রয়োজন হয় ; তা-ও ভালো, তাই ভালো।
যাকে ভালোবাসি আমি তার পাশে নিশ্চিন্তে ঘুমাবো।
সে-মৃত্যু মহতী। যাকে ভালোবাসি সেও ভালবাসে ;
আমি তো মাটির নিচে মরণের পরে চিরকাল
বাস করবো, তবে কেন মাটির উপরে যারা আছে
তাদের হুকুম শুনবো ? তোমার যা অভিক্রটি, করো,
যত ইচ্ছা ঘণা করো পবিত্র যা ঈশ্বরের কাছে।
ইসমেনে। ঘণা তো করিনি আমি, শুধু বলি সে-শক্তি সে-সেখা
একেবারে সেই যাতে রাজশক্তি অবহেলা করি।

কবিতা

বর্ষ ২২, সংখ্যা ৪

আন্তিগোনে। আত্মপক্ষসমর্থন তুমি জানো, আমি তা জানি না,
আমি জানি একমাত্র যাকে ভালোবাসি তাঁর ব্রত।
ইসমেনে। অহুধী, অভাগী ওরে, ভয় করে, বড়ো ভয় করে।
আন্তিগোনে। ঘোরাও নিজের চাকা, আমি থাকি ভাগ্যচক্র নিয়ে।
ইসমেনে। ঘৃণাকরেও তবে বোলো না তোমার এই কথা
কোনো মানুষের কাছে, আমিও কারোকে বলবো না।
আন্তিগোনে। যাও যাও বলে দাও আবার বুদ্ধবনিতাকে,
যে-সংসাহস থাকলে তোকে আর ঘৃণা করবো না।
ইসমেনে। আশুন তোমার বৃকে, বরক তোমার কাজে।
আন্তিগোনে। তাই
তর্পণের কাজে লাগে, স্বর্গভের আশীর্বাদ পায়।
ইসমেনে। এ এক অসাধ্য যজ্ঞ, এ-আশুনে হাত পুড়িয়ে না।
আন্তিগোনে। তবুও জ্ঞোগীবো আমি আমার হোমের সমিধ।
ইসমেনে। আলোয়া তোমার লক্ষ্য, জেনে-শুনে কেন তুল করো ?
আন্তিগোনে। তুমি কি এখনো ধাম্যে ? কেবল আমার ঘৃণা নয় ;
মৃত মানুষের তীর ঘণার বিষয় হবে তুমি,
মৃতদের ঘৃণা চের দীর্ঘস্থায়ী। আমি অজ্ঞতার
অন্ধকারে ডুবে মরি, যত অন্ধকারে ডুবে মরি
আমার নিয়তি মোর, সে-মরণ মহতী মরণ।
(আন্তিগোনের নিষ্ক্রমণ)
ইসমেনে। যাও, যদি যেতে হয়, স্বল্পপথে মৃত একাগ্রতা,
ও যে ভালোবাসে, ও যে নিজেই একাগ্র ভালোবাসা।
(ইসমেনের নিষ্ক্রমণ)
স্বর্ধের আলো সমস্ত প্রাঙ্গণে ছড়িয়ে পড়েছে। খেবা নগরীর
পনেরোজন প্রবীণ ব্যক্তির প্রবেশ ও সংস্বব-গান।

কবিতা

আষাঢ় ১৩৬৫

স্বামী : এক

বৃহস্পতি প্রথম জায়মানো মহো জ্যোতিষ: পরমো বোয়াম্ ।
সপ্তাঙ্কজবিজ্ঞাতো খেপ বি সপ্তরশ্মিধমং অমাংসি ॥
স্বর্ধকিরণ, নমো ভরন্ত এমসি ।

খেবা নগরীর সপ্ততোরণে এ কী বিচিত্র রশ্মির আয়োজন,
নবহরিত্রা দিকী নদীতে ঝরে বালার্কবর্ষ আলিঙ্গন ।
আর্গেস হ'তে এসেছিল তার ভীষণ অখ-'পরে
শাদা ঢাল হাতে দারুণ দহা, তাকে এই সমতল
হ'তে তুমি দিলে চিরনিমূল ক'রে ।

পোলুনাইকেস এনেছিল শক্রতা,
ফেনিয়েছিল সে নদীর শাস্ত জলে,
চোখে-মুখে তার তুবারপক্ষ স্তেনপক্ষীর ক্ষধা,
মেঘে-মেঘে বড়ো তুলেছিল কোলাহল,

কোথা গেল তার শাদা ঢাল হাতে ঘোড়ার কেশের সজ্জিত সেনাদল !

অন্তরা : এক

মোদের পিতৃপুরুষের এই ভিটা,
সপ্তঘার এই যে মহানগরী,
রক্তপায়ী সে ফিরেছিল সকারি,
তার ছহাতের মশাল সে যেন চিতা,
ভাঙ্গমুকুট যে চেয়েছিল ঝলসাতে !
পালিয়ে গিয়েছে ইহলীলা সংবরি' ।
সে-ভীষণ রণ হ'য়ে গেছে কাল রাতে,
যেন সে ভ্রাগন নিয়ে এসেছিল সরীস্বপের শঙ্কিল শব্দরী ।

তদ্বিকো: পরমং পদং সদা পশ্চাতি স্বরঃ
দিবীর চকুরাতন্তং ।

কবিতা

বর্ষ ২২, সংখ্যা ৪

হিরণ্যাক দ্যাম্পিতা জয় জয়,
তারি সপ্নাতে নদী হ'লো সোনারং,
বিজিত সৈন্ত গেল সস্তরি, ক্যাপানাস্ গেল রোমবহিতে মরি' ॥

স্বামী : দুই

দুর্ভাগা ও যে জীবন্তমৃত তান্ত্রালসের মতো
প্রথমে শূভে উৎফানে, আর শেষে গেল প'ড়ে,
প্রতিধ্বনিত কস্পিত মাটি; নাকি সে মদনাহত
অলাতচক্রী মথিতমদিরা ধোরে
বিষেধ নিখসি' ।

ইঙ্গ্রসমান আরে'ল তখন পাপীকে শান্তি দিতে
উঁচৈ:শ্রবা তুরলে যেন মুখরি'ত চারিভিতে,
বিজিতপক্ষে নিয়তি তখন রুক্ষাচতুর্দশী ।

সপ্ততোরণে সাতজন সেনাপতি
বিসর্জি' প্রাণ, অথারোহীর অসি ও বর্ধ ছেড়ে
উৎসর্জিল দ্যাম্পিতা নামে সর্বাধিনায়কে'রে ;
শুধু দুইজন, এক জননীর জঠরের সন্তান
অসিমুন্দের বিনিময়ে নিল পরস্পরের প্রাণ,
এখন যমজ, কেননা তাদের এক মরণেই গতি ।

অন্তরা : দুই

ওড়ে বে আবার বৈজয়ন্তীমালা
আকাশচূর্ণী খেবাই রথের চূড়ে,
ভূলব অতীত, আসে তো আনুজ অতীতের যতো জালা
যন হুস্থিতে হু:শপ্রের ক্ষুর অখক্ষরে ।
আজ মোরা ধুঞ্জি পবিত্র বেদী মলকল্যাণে,
সারা বিভাবরী ভরে ওঠে তারি বৈতালিকের গানে,

খেবা নগরীর ধরণী খেজন কাঁপায় হ্রের টানে,
কিশোর নায়ক বাবাসু জাগুক আমাদের মাঝখানে।

সুত্রধার

গান সারা হোক, এলেন রাজাধিরাজ,
মেনইকিসের কুমার ক্রেয়োন ঐ,
অর্পিল বিম্বি স্বকঠিন রাজকাজ
ক্রেয়ানের হাতে। তিনি আজ নিশ্চয়ই
আমাদের কাছে যুক্তির সন্ধানে
এসেছেন, মোরা রাজার হৃদীসমাজ।

ছজন দেহরক্ষী নিয়ে সম্পূর্ণ রাজবশে ক্রেয়োন প্রাসাদের
সিংহদ্বার দিয়ে প্রবেশ করলেন।

ক্রেয়োন

প্রাতঃপ্রণাম নিন স্বধীরুদ, সবি তো জানেন
আমাদের রাজ্যতরী রাষ্ট্রতরী অক্ল পাথারে
ভেসে প্রায় ডুবে যেতে গিয়েছিল, কোনোক্রমে বেঁচে
তলানির কাঠমাত্র নিয়ে আজ কিরৈছে ভাঙায়;
আপনারা বিচক্ষণ, নিশ্চিত জানেন কেন তবে
ডেকে পাঠিয়েছি। আজ আপনারা আমার নির্ভর,
যেমন ছিলেন যবে সিংহাসনে অথওপ্রতাপ
রাজা লাইয়স, আর তারপর যবে ঈদিপাস
অধিষ্ঠিত যুক্তরাজ্যে। ঈদিপাস যাবার পরেও
আপনারা স্থির সঙ্গী তাদের উত্তরপুরুষের;
কিন্তু তারা, শেব দুটি বংশধীপ, তারাও যখন
পরম্পর সহোদর হত্যার নির্লঙ্ক কালো রাতে

মুছে গেছে, হুতরাং একমাত্র নিকট আত্মীয়
ব'লে আমি রাজদণ্ডের যোগ্য উত্তরাধিকারী।
বেশ, এ তো ভালো, এ তো স্বাভাবিক, রাজস্বক্তি তবু
কোনো মাহুষের শক্তি যতদিন পরীক্ষা না করে
সেই মাহুষের শক্তি ততদিন প্রমাণ হয় না।
যদি কোনো রাজার কুমার হয় রাজার দুলাল
কখনো বলে না স্পষ্ট কখনো থাকে না স্পষ্ট পথে,
নরাধিপ নাম হোক, তাকে আমি নরাধম বলি।
যার কাছে রাজ্যের চেয়েও বন্ধু বড়ো, আমি তাকে
মাহুষের অন্তর্গত পৃথিবীতে গণ্যই করি না।
সর্বদর্শী সত্যদর্শী বিধাতার নাম নিয়ে বলি
যে-মুহুর্তে টের পাবে কালসাপ ঢুকেছে নগরে,
বাক্‌সংবরণ ক'রে থাকবে না। আমার স্বজন
স্বদেশের শত্রু হ'লে দণ্ড দিতে বিধি করবো না।
কে না জানে এদেশ আমার আমাদের ভাগ্যতরী,
তারাই যথার্থ বন্ধু যারা পাঠাতনে বসলেও
টলমল করে না তরী, পানাবার পার হ'য়ে যায়।
এ-সত্য বুঝেছি, তাই সত্যের পথের বিষ মুছে
পার হবো; এ-আদেশ মৃত ব্যক্তিকেও ছাড়বে না।
বীর যে এতেয়োক্লেস, লডেছিল এদেশের হ'য়ে,
এই নগরীর পক্ষে আমরণ যুদ্ধ করেছিল,
যত যে এতেয়োক্লেস—তাকে যেন যত নাগরিক
স্বকমাল্যচন্দনে সযত্নে সমাধি দেয়, আর
গভীর সম্মানে তার শোকগাথা উচ্চারণ করে।
অত্র একজন, সেই দেশজোহী পোলুনাইকেস,
নির্বাসিত দুর্জন সে, দেশে ফিরে পিতৃপুরুষের

গৃহদেবতার বৃত্ত সোনার বিগ্রহ নষ্ট করে
 স্বজনের রক্তে তার পিপাসা মেটাতে চেয়েছিল,
 সকলকে দাসবংশে পরিণত করতে চেয়েছিল,
 শোনো সব দেশবাসী, যেন পাণ্ডী পোলনাইকেস
 না পায় সায়ংকৃত্য, না পায় মৃত্যুর রাজকর,
 সমাধি দিয়ো না তাকে, একবিন্দু অশ্রুও দিয়ো না,
 তার দেহ ফেলে রেখো কুকুর শকুনি খেয়ে থাক।
 এ-বিষয়ে এ আমার শেষ কথা, আমার রাজত্বে
 স্বজন শয়তান আমি এক আসনে বসাতে পারবো না।
 যে শুধু দেশের জ্ঞান সব দিল, জীবিত হ'লে সে
 উপঢৌকন পাবে, মৃত হ'লে শহীদ সমান।

- স্বস্তধার। মেনইকিস স্বর্গগত, তাঁর যোগ্য সন্ধান কেয়োন
 তোমার আদেশ রাখে শক্রমিত্র সবার উপরে,
 তোমারি তো অধিকার নির্বিশেষ নীতিচরনার,
 যারা ম'রে গেছে যারা বেঁচে আছে সবার উপরে।
- কেয়োন। দেখবেন বা বলোছি অত্যা না হয় যেন ডার।
- স্বস্তধার। এ-কাজে দরকার অল্পবয়সের একজন লোক।
- কেয়োন। ইতিমধ্যে একজন মৃতদেহ পাহারার কাজে
 নিযুক্ত হয়েছে।
- স্বস্তধার। তবে বাকি আর কী কর্তব্যভার ?
- কেয়োন। আইনবিরুদ্ধ কর্তৃক জনলেই রোধ করবেন।
- স্বস্তধার। কে আছে এমন মৃত মৃত্যুকে যে আলিঙ্গন করে।
- কেয়োন। মৃত্যু ছাড়া গতি নেই। কিন্তু ভুল আদর্শের টানে
 স্বপ্নচরী কেউ-কেউ মৃত্যুর সন্ধানে ছুটে যায়।
- একটি প্রহরীর প্রবেশ
- প্রহরী। মহারাজ, এ কথা বলবো না : 'আমি খাস বন্ধ করে'

- ছুটে আসছি একটানা, একটুও থামিনি।' সত্যি কথা
 বলতে গেলে মনে-মনে হ'চট খেয়েছি বারবার,
 পায়ের গোড়ালি যেন বারবার টেনে ধরছিল,
 বুক ধবধব ক'রে বলছিল : 'সাধ্য, ভুববি,
 এমন চৌনুনে গেলে ডাইনে-বায়ে দেখে শুনে চল,
 ব্যস্তনমত কেন ? কপালে তো ছর্ভোগ আছেই।
 আবার থামলি কেন ? ক্লোর চল। অত্ন কারো কাছে,
 কেয়োন এ-কথা শুনেল পিঠে তোর থাকবে না ছাল।'
 এ-সব ভাবতে-ভাবতে ঘামতে-ঘামতে ছোট্টো পথটাকে
 বড়ো পথ ক'রে নিয়ে পৌঁছতে ভীষণ দেরি হ'লো ;
 এবার আপনাকে সব বলি, কিন্তু কী ক'রে যে বলি,
 যা-ই বলি ভাগ্য যেন হতভাগা করে না আমাকে।
- কেয়োন। কিন্তু কী এমন কথা, যার এত ভয়ানক ভার ?
- প্রহরী। মহারাজ, অপরাধ নেনেন না, সবিনয়ে বলি
 সে-কাজ করিনি আমি, কিংবা যার করা সেই কাজ
 তাকেও দেখিনি, তবে আমি কোনো শাস্তি পাবো না তো ?
- কেয়োন। চালাকচতুর বটে, কথা সাজাতেও বেশ জানো,
 শাদা কথা বলো দেখি, খারাপ খবর আছে কোনো ?
- প্রহরী। খারাপ খবর, তাই বলতে গিয়েও পারছি না।
- কেয়োন। ভণিতা কোনো না, বলো, তারপর দূর হ'য়ে যাও।
- প্রহরী। তাহলে এবার বলি। জানি না কে, এইমাত্র এসে
 মৃতদেহ সমাধিবেদীতে রেখে সাল্লিয়ে গিয়েছে,
 শেষ কাজ ক'রে গেছে একেবারে নিখুঁত নিয়মে,
 বালি ফুল লতা পাতা ঠিকমতো ছড়ানো রয়েছে।
- কেয়োন। কার এই সাহস, তুমি কী বলছো, কী বলছো তুমি ?
- প্রহরী। হুজুর, জানি না। কোনো চিহ্ন রেখে যায়নি আসামি,

একটু কুড়ুল নেই, ঘাসের চাশড়া ঠিক আছে,
মাটি সেই শুকনো মাটি, একটিও লাঙলের রেখা
দেখতে পাইনি, এত শাবধানে করেছে সে-কাজ
আর কী কৌশলে সেই দেহ ঢাকা খুলোর ছাউনিতে
যেন কোনো নোংরা হাত নোংরা চোখ না লাগতে পারে ;
হালকা খুলোর ঢাকনা লেগে আছে, কেউ যেন এসে
বিছিয়ে দিয়েছে কোনো শাপমণি অক্ষপ না-ক'রে,
না, না, কোনো জন্তু কোনো শিকারি কুকুর গধু ক'কে
কাছে এসে ছিঁড়ে যায়নি ম'রে-বাওয়া লোকটার শরীর ;
ও, আমরা পাহারাওয়ার দল একে অহুকে
দুবেছি এতক্ষণ, এমন কি এ ওকে ছই ঘা
দিতে গিয়েছিল, শেষে দেখা গেল সকলেই দোষী,
কিন্তু কেউ দোষী নয়। সবাই হলফ ক'রে বলছে
'আমি দোষী নই', 'আমি দোষী নই', 'আমি দোষী নই'
সবাই ভাতানো লোহা হাতে নিয়ে আঙন পেরিয়ে
বেতে রাজি, তিন সত্য করতে রাজি বিধাতার নামে ;
আদল আসামি যে কে তাও কেউ বুঝতে পারছি না, ...
আমাদের মধ্য থেকে একজন এমন সময়
আমাদের মাথা নিচু ক'রে দিয়ে গ'র্জে উঠল,
আম্পর্ধা ছিল না কারো টু" শব্দ করি যে একবার,
সে আমায় বললো যেন আপনাকে সব কথা বলি,
কিছু না লুকোই যেন, আমি তাই অগত্যা এসেছি,
তাকে এড়াবার কোনো উপায় ছিল না বলে, তাই,
দুঃসংবাদের চর কে বা কবে তাকে ভালোবাসে ?
রাজন, যখন ওর কথা শুনছিলাম, কাঁপছিলাম,
হয়তো এর মধ্যে কোনো অদৃশ্য শক্তির হাত আছে ।

স্বপ্নধার ।

জেরোন । আপনি সময় থাকতে থামবেন ? যদি বলে ফেলি
আপনি যতখানি বুদ্ধ ঠিক সে-আন্দাজে বোকা লোক !
যর্গের আকাশে র'ন্ দেবতার, তাঁরা কি কখনো
নরকের কাঁট দেখে গোর দিতে যান ব্যস্ত হ'য়ে ?
ঘরশুকু যে তাঁদের রত্নদীপ শৈবেতের থালা
সুত্তে খোলাই তোতা ইঞ্জনীল দেউলপাষাণ
ছারথার ক'রে দিতে এসেছিল তাকে মাটি দিতে ?
পাপীকে প্রশ্রয় দেন দেবতার, আপনি বলবেন ?
না, না, সে তো হ'তেই পারে না। আমি তত মূর্খ নই ।
এর মূলে কয়জন অতি বুদ্ধিমান নাগরিক ...
আমার আদেশ শুনে ঘরে-ঘরে চোখ রাঙিয়েছে,
তারপর মাথা নেড়ে পরামর্শ আইন-ভাঙানি
কানাঘুবা ফিসফাস, চাপা শব্দ এখন চিংকার ।
ঘুষ দিয়ে সৈন্যদের মুখ তারা বন্ধ করেছে !
মাঝঘেরা মাঝঘের আত্মা কেনে মুত্রাবিনিময়ে ?
স্বপ্নের মাহুৎ পলে অর্ধ তাকে পিশাচ বানায়,
ঘরবাড়ি ভেঙে-চুরে গৃহস্থকে ঘরছাড়া করে,
কেন যে মাহুৎ করে শয়তানের শিক্ষানবিশী,
আমি যদি ঈশ্বরের বিধাসী জেরোন হই, তবে
ভাড়া-করা শবচোরা এই সেপাইরা একদিন
নও পারে । আর শোনো শেষকৃত্য যে করেছে তার
খোঁজ দিতে না-পারলে শেষকৃত্য তোমারো পাওনা ।
তাকে নিয়ে এসো, নইলে তিলে-তিলে শুকিয়ে মারবো,
মুলিয়ে রাখবো শূত্রে, পেরেক কোটাবো সারা গায়ে,
আশা করি তবে শিখবে একজনের কর্ণচারী হ'য়ে
সবার বেতন নেওয়া ভালো নয় । সঞ্চয়ের ফল

অপচয়, স্বর্গ নয় বিপথে বাবার কর্মফল ।
 প্রহরী । আমি কি এখন যাবো ? অহুমতি করেন তো যাই ।
 ক্রেয়োন । তোমার প্রত্যেক শব্দ কাঁটা হয়ে বিধছে আমাকে ।
 প্রহরী । ছুঁর, কোথায় বিঁধছে, মাথায়, না কানে, কোনখানে ?
 ক্রেয়োন । ব্যাথার টিকানা নেবে বিদ্যুৎ নাকি বেয়াধব ?
 প্রহরী । ফেরারি আসামি তবে বৃক্বাথা, আমি কর্ণশূল ।
 ক্রেয়োন । এ কোন লাগামছাড়া মুখ-আলগা অবাধ্য বাচাল !
 প্রহরী । ঐটেই শিখেছি, কিন্তু সেই কাজ কখনো করিনি ।
 ক্রেয়োন । করোনি ? তোমার আত্ম অর্থযুল্যে বিকিয়ে দাওনি ?
 প্রহরী । দোষ বাঁর করবেনই তেবেছেন, আজব ব্যাপার ।
 ক্রেয়োন । সন্দেহবাতিকগ্রস্ত আখা দাঁও এক হাজার বাঁর,
 কিন্তু চোরকে ধরতে, আর যদি দেরি করো তবে
 দেখবে যে বাঁ হাতের কাজে কোনো হফল হয় না ।

[প্রাসাদের অভিমুখে তাঁর প্রস্থান]

প্রহরী । আমিও তো চাই তাকে পাওয়া যাক । অবশু একথা
 ভাগাদেবী বোঝাবেন তাকে পাওয়া যাবে কি যাবে না ।
 আমার বরাত ভালো, মানে-মানে আজকের মতো
 পালানাই পৈতৃক প্রাণ বৃকে নিয়ে, ঘরে গিয়ে বাঁচি,
 আগে তো আপন বাঁচা, এর পর কী হবে কে জানে ;

[প্রহরীর প্রস্থান]

সংস্ব

স্থায়ী : এক

বড়ো বিশ্বয় এই যে মোদের নিখিলবিধ ভ'রে
 তার মাঝে হেরো আরো বিশ্বয় মানবযাত্রী গুরে—
 তটিনীসিন্দু হেলায় সে হয় পার,
 হিমাদী পবনে সে রচে সৌধ তার,

গভীর গহন পথ ছেড়ে দেয়, গিরিচূড়া যায় শ'রে
 উর্ধ্ব' অদিতি, নিম্নে জরতী ধরণী মুক্তিকার
 নিখর পাষণে হলকর্ষণে ফসল আনে সে মোদের মাতৃকোড়ে ।

অন্তরা : এক

ভৌপিন্ডিত্য : পৃথিবী মাতরঙ্গগণ্ডে মূলতা ন : ।
 বিশ্ব আদিত্য অদিতে সজোয়া অশভাং শর্ধ বহলং
 বিয়স্ত ॥
 জ্ঞানি বিহ্বল স্রোতের পাথায় হাওয়ায় বিহার করে,
 নাগরে বিহরে নাগরের মাছ, পশু বনকন্দরে—
 মাছব তবুও দিক্দিগন্তে পেতেছে বিশ্বজাল,
 দুই হাতে ধরে বুনো হরিণের পাল,
 পাগলা ঘোড়ার বলগা পায়, বজ্র বুঝেরে রজ্জ্ববিনীত করে ॥

স্থায়ী : দুই

বাণী তার ধায় দীমান্তিকায়, করনা অথরে,
 হেরো মাহুয়ের অটুট দৈর্ঘ্য নগরপ্রাকার গড়ে ।
 দুর্গ যে তার ঝঞ্জাতুবারজরী,
 বৃকে ভৈরবী 'ভোর ভরি' 'ভোর ভরি',
 বাঁরবেশে ও যে সদা রয় প্রত্যায়ী,
 রণবেশে ও যে অপেক্ষমাণ নব-নব সব কালবৈশাখী ঝড়ে,
 কালভৈরবে তুলে ধরে তার আয়ুধ কালক্ষয়ী,
 সমাধি ছাড়া সে আর সব-কিছু পার হয়ে যায়, অথচ মাহুয় মরে ।

অন্তরা : দুই

মাহুয়ের কী মহিমা,
 জাতু জানে ও যে পার হয়ে যায় দৃষ্টির দিক্গীমা,
 এই ডেকে আনে অমানিশি আর এই আনে পূর্ণিমা ;

নগরের নীতি স্বেচ্ছায় ভাঙে গড়ে,
দৈববাণীরে কলুষমলিন করে,
সৌধবাসীর পাশে ছাখো ঐ গৃহহারী পথ-পরে,
চাই না তাদের যারা স্নান করে স্তম্ভের বর্ণিমা,
হর্জন যেন ভুলেও কখনো পশে না মোদের ঘরে ॥

হৃদয়ধার

এ কী দেখি, আমি চোখে দেখি, নাকি মনে
চোখে লাগেনি তো কাজল বা কার্পাস ?
বাথার প্রতিমা ওই না আন্তিগোনে,
বাথায় পাথর পিতা বার ঈদিপাস
পিতার মতন করুণ বিঘ্ননবালা,
বন্দিনী ক'রে আনলো রণাঙ্গনে ?
রাজ্যার আজ্ঞা ক'রে নেয়নি কি মালা ?
ঘনি বাতাস কাঁপে নৈরুৎ কোণে ।

কোনো নারী-নির্গর্ভের প্রতি

বিশ্ব বন্দ্যোপাধ্যায়

তুষার-তছু পাহাড় উঁচু । উত্তরের শেষ—
কলনার মালভূমির দেশ—
শুধালা মন—কে আছে আরো উঁচু তোমার চেয়ে
সে কোনো আরো উচ্চচূড়া আদর্শের ?
অন্ততর অথবা কোনো মাটির মুহূ মেয়ে ?
প্রশ্নটা কি শুনলো কেউ ? দাঁড়ালো এসে ধবল-চূড়া ছেয়ে
কোন মানসী মূর্তি এক মনের পত ইচ্ছাতে রঙিন—
'অভীপ্সার প্রতিকৃতি !—অতিকৃতি, অতিকৃতি—'
টেটিয়ে ওঠে অবাচী দেশ তরাই দক্ষিণ ।
'স্বদূর কোণে আমি তো প'ড়ে রয়েছি হ'য়ে নিচু ;
নাবাল সমতলের গায়ে রয়েছি হ'য়ে লীন ;
উত্তরের ঈর্ষা তবু আমার পিছু-পিছু
ডুবতে ছোট্টে অতল-তলে সাগর-মোহানায় !'
...ধবল চূড়া-শীর্ষে দেখি মূর্তি শ'রে যায় !
তখনি বৃষ্টি অভীপ্সার হয়েছে ভরাডুবি
দুঃখ হয় খুবই ।

সমুজ্জ্বলা প্রকৃতি যেন নিমেষে মুখ কালো
করলো আর মরণ-মেঘে লুকালো মুখ আলো ।
অবাক হই—এ কী এ অনাসুপ্তি !
মেঘলা ভারি আকাশ আর পৃথিবী-জোড়া বৃষ্টি
সে-কথাটুকু বৃষ্টিয়ে ছায় ধে-কথা বোঝা শক্ত ;
সাপের মতো সোহাগ যার, সাপের মতো মিষ্টি
জেনেছি তবু হয়েছি তারই মাধুরী-অছরকল ।

অবাচী দেশ ডাকলো ফের দক্ষিণের দিন !

যেখানে ছোট্ট চরণ লঘু হাওয়ায় কে হরিণ,

সেখানে নেমে যাই—

ঘাসের দেশে খেলছে দেখি চপল এক ভালোবাসার মেয়ে

তাকেই উঁচু মানলো প্রাণ মালভূমির চেয়ে—

এখানে সেই তলিয়ে-বাওয়া অভীষ্টাকে পাই—

আসক্তিই শক্তি দিলো, আকাশ দিলো আলো,

চির-চাওয়ার সেতু বেয়েই যা-কিছু পাওয়া এলো—

সকল ছেড়ে নভস্পৃক আদর্শের কাঁচে

একটি মেয়ে সকল চূড়া ছাড়িয়ে দেখি আছে।

মুমুক্ষায় মূর্খ মরা শাস্ত্র-বাণী যতো

কখন দেখি হয়েছে পদানত।

দিশারী হ'লো তখন থেকে তুষার-তরু তার

বুকে পাহাড়, চোখে আকাশ নীল—

অভিলাষের পাখির চোখ হাওয়ার হাত-লাগা

চিনতে চায় দূর বনের পাতার ঝিলমিল !

অচমনে জাগছে সেই চিরকালের অভীপার ভাষা

লীলায় তার দেখেছি খুঁজে রয়েছে অনিমীল।

নাম রেখেছি চূড়লা রানী অনেক চূড়া দেহে

ঝলমলিয়ে স্বরণে আনে উত্তরাশা-দিন—

স্বপ্ন তবু অতল-তল নাবাল ভূমি বেয়ে

ঘাসের দেশে তাকেই পেলো হাওয়ার দক্ষিণ।

বলো ভূমি

ব্রজমাধব ভট্টাচার্য

বলো ভূমি লিখে দেবে তোমার আপন হাতে নাম

আমার কবিতাভরা খাতাটার শেষের পাতায়

যদি আমি শেষ করি আমার এ-শুভ পরিণাম

দীর্ঘ পথপরিক্রমা। যদি এই ধুলো কাদা পায়

তোমার অধনে এসে ক্লান্ত হাসি হেসে তবু ভাকি

শেষ ক'রে দিয়েছি আমার এই যাযাবর নাম,

প্রবাল-সাগর-তলে জীবনের সোনামোড়া ফাঁকি

ভুবিয়েছি। কোনো চরে সব স্বপ্ন পুড়িয়ে এলাম।

যে-আকাশে জীবনের সব তারা বলমল করে,

যে-বনের মর্মরেতে আশার পাতারা সব ঝরে ;

যে-নদীর তীরে-তীরে পদচিহ্ন একেলা শুধায়,

যে-দিগন্ত জড়ো হোলো তোমার ও-চোখের তারায়—

সে-আকাশ, নদী, বন, দিগন্ত হারিয়ে যদি যায়,

বলো ভূমি ভ'রে দেবে তবু এ-জীবন কবিতায় ?

আমাকে নিঃশেষ ক'রে

বিকাশ দাশ

আমাকে নিঃশেষ ক'রে প্রতিটি মুহূর্তে বিলিয়েছি
তোমার সত্তার কাছে। তুমিও আকর্ষণ ক'রে পান,
আবার পেতেছ হাত। আমি সেই মৃতি ভরে দিতে
ঢেলেছি উপুড় ক'রে যৌবনের মন্দির পেয়ালা।

আমার আকাশ-দূত তোমার দিগন্তে নেমে গেছে,
নীল চিঠি হাতে নিয়ে, শিহরিত বন-সহচরী,
আমার সত্তার পাখি নীড় খোঁজে তোমার ছায়াতে,
রাজির নিজনে তুমি তবু বে তুমায় জ্বলে মরো।

জলে শূন্য মরুভূমি ঝায়তে শিরায় সারাঙ্গণ,
'কী পেলো নিঃশেষে ঢেলে?' শুধালো মনের ঘুবরাজ।
আর সেই মুহূর্তের তরঙ্গিত দৈকতে দাঁড়িয়ে
ভেবেছি কিরিয়ে নিয়ে এইবার নিজেকে বাঁচাই।

আমার পেয়ালা শূন্য। তুমি তবু বন্ধ মৃতি খুলে,
জানালে,—'ভরেছে কই' ?—স্বপ্নের কিনার-দেঁধা মন
আমাকে ছুবেছে খালি। তবুও স্বপ্নকে নিয়ে যদি
একান্তে কখনো বসি ছায়া ফেলে তোমার আকাশ।

দুটি কবিতা

দিব্যেন্দু পালিত

তিন রকমের ইচ্ছে

তিন রকমের ইচ্ছে আমাকে পাগল করে।

এক, যা রাজার মতো।

মদে আর আমোদে

চোখের স্বর্গীয় রাজাই খুঁজছে—

অন্তঃপুরে নতুন বসন্ত।

দ্বিতীয় ইচ্ছেটা স্বাবলম্বী হ'তে চায়।

রাজা নয়, রাজপুত্র।

পক্ষীরাজ নেই; পক্ষীরাজের বাসনাও নেই—

অথচ পেশীতে সেই রকম রক্ত।

অনেক পথ পেরিয়ে—

হয়তো রাজকন্ডার শিয়রে রূপোর কাঠি;

গাঢ় ঘুম, আর রোদ, আর—

বল পেশীতে আকুল-করা ইচ্ছে।

তৃতীয় ইচ্ছেটা নিজেই ভারি অদ্ভুত।

রান্নাঘরের গুমোটো দাঁড়িয়ে

হাতের ময়লা তোয়ালেতে ঘাম মুছতে-মুছতে

আধ-বুড়ো বাবুর্চি ভাবে—

মেম সাহেবের ওই কচি, রাঙা আর শক্ত,

অথচ মিষ্টি নরম আপেল দুটো যদি পেতাম!

কবিতা

আষাঢ় ১৩৩৫

এই সব ভাবতে-ভাবতে

বাতাস যখন স্তব্ধ—

আর হাওয়া নেই, রোদও নেই ;

মরা দিনের নাড়ির মধ্যে

আত্মরতির মাছিটা ছটকট করে—

সব ভাবনাগুলোর গলা টিপে

হঠাৎ ভাবি—

আমি যদি নারী হতাম !

ফিরে যাওয়া

আমি তবে ফিরে যাই নদীর গভীর থেকে

গাঢ় ঘুমে ঢুলুঢুলু বাসে ।

ফিরে যাই বাতাসের ক্লাস্তিহীন

নীল বারো মাসে ।

হয়তো মাথার চূলে তখনো রয়েছে কিছু রোদ ।

কানে এসে বিধে গেছে মৃত এক শালিকের গান ;

পাশাতে পারেনি । তার কল্পণ, কাতর, ভীক প্রাণ—

হয়তো শিশিরে ভিজ়ে মুছে দিয়ে গেছে সব বোধ ।

সন্ধ্যাতারার ছায়া তার স্নান চোখে কিছু আলো

ঢেলে দেবে । পিঁপড়েরা আলগোছে বেসে যাবে ভালো ।

তারপর খুঁটে-খুঁটে,

ছোট্ট দেহের করপুটে—

সার বেঁধে চলে যাবে নরম মাটির খুব কাছে ।

কবিতা

বর্ষ ২২, সংখ্যা ৪

হয়তো তখনো বুকে আরো কিছু উত্তাপ

ঘন হয়ে আছে ।

তখনো শ্রমের শেষে মাফুয খুঁজবে প্রিয় মুখ ;

আড়ালে লুকিয়ে লোভী যুবতীরা খুলে দেবে বুক ।

কল্পনায় ভাক দেবে শিশুর নরম ঠোঁটে হাসির উত্তাপ ;—

আরো দূরে যেতে-যেতে বাতাসে সুনবো বারোমাস ।

দিব্য প্রতিমা

(“To Mercy, Pity, Peace, and Love”)

William Blake

দুঃখ বধন আঘাত করে সবাই ফেরে খুঁজে
মৈত্রী দয়া করুণা আর ভালোবাসা,
আনন্দময় নিত্যগুণকে জানায় বারে-বারে
ধরণী তার নিবেদনের নম্র ভাষা।

কারণ দয়া করুণা আর মৈত্রী ভালোবাসাই
পরম শ্রেষ্ঠ, পরম পিতা, প্রিয়তম।
আবার দয়া ভালোবাসা মৈত্রী করুণাতেই
রচিত তাঁর সত্য মাহুয় নিরুপম।

কে করুণা? হৃদয়ে তার হৃদয় মাহুয়েরই,
দয়ার মুখে এই মাহুয়ের প্রতিচ্ছবি,
পুণ্য নরদেহই তাগে, ভালোবাসার দেহ,
মরদেহের আঁচল জড়ায় মৈত্রী প্রীতি।

তাই তো বলি, দুঃখ বধন আঘাত করে বৃকে
যে বেধানে ভক্তিবরে নোয়ায় মাথা,
তখন দয়া করুণা আর মৈত্রী ভালোবাসাই
মাহুয়কে বন্দনা করে, সেই বিধাতা।

হোক সে স্নেহ, হোক ইহুদি, হোক তুরানি, তবু
বরণ কোরো মানবদেহের অধীশ্বরে,
বেধায় দয়া করুণা আর মৈত্রী ভালোবাসা,
আচ্ছেন তিনি তাদের সঙ্গে সবার ধরে।

অছবাবদ : নরেশ গুহ

স্বাপত্য

সুনীল চট্টোপাধ্যায়

সমস্ত নির্মাণ করো; তা ভিন্ন তোমার মুক্তি নেই।
ওরাই রাক্ষস হ'য়ে ধ্বংস ক'রে যাবে তোমাকেই।

দুর্ভেদ্য মুঠোয় সব ধরো;
যেন না ছাড়াতে পারে; তারপর ধীরে, ক্রম গড়ে।

ফেটে কাঁরা যেতে চায় তারা হবে গুব্বুজ হৃন্দর,
চুরমার বোধ দিয়ে তোলাে তুমি হৃন্দ চিত্তলতা,
তোমাকে আমূল বি'ধে যারা আজ অঙ্কুশ বক্রতা
বন্ধিম খিলান হবে, ধ্বংস যার নেই অতঃপর।

গভীর সময় এই। এই সেই শিল্পের আঘাত।
সুঠাম মিনার ক'রে গ'ড়ে তোলাে অশুভেদী জালা।
কঠিন আঁকড়ে ধরো বাঁপ-দেওয়া সব ভালপালা;
অপূর্ব অলিদে হ'বে জাফরি-কাটা চন্দ্রিকার রাত।

মারতে চেয়ে না পিয়ে। পারবে না। ধ্বংস হ'য়ে যাবে।
সমস্ত বিদ্রাংশলিকি ক'রে তোলাে প্রাণশিল্পময়।
এই তো চরম যুক। শিল্প লয়। এ তো খেলা নয়;
সত্তার কোলপাড়ি দিয়ে স্বাপত্যের গুপ্ততা জাগাবে।

চীংকার সহস্রত ক'রে লাভগের চেউ-তোলা ছাদ
তোমার গড়ার আছে;—আকোশের, হিংস্রতার খাঁজ
কেটে-কেটে একে যাও হুনিপুণ জালির সমতা;
কিছুই ফেলার নয়; এক খাতে বহাও অবধা।

কবিতা

আষাঢ় ১৩৩২

উপচে উঠেছে জল ? স্তব্ধ বেঁধে দাও সারি-সারি ।
কেন তুমি ভেসে যাবে ? লঙ্কা ? মানি ? বিশাল চব্বরে
দীরে-দীরে গৈঁথে যাও । অপমান ? স্বচ্ছ সরোবরে
সোপানের শ্রেণী দাও । যুগ ? ওরা বরোকা ও বারি ?

সব হাহাকার ছেনে প্রতিধ্বনি ভাং দাও ঘরে ;
স্তোমার সমস্ত শূন্য ঘিরে দাও খচিত দেয়ালে ;
ফাটে বা, ভাঙে বা, হানে, ছেঁড়ে, খোঁড়ে, জল হ'য়ে ঝরে—
সমাধিমন্দির ক'রে থেকে যেয়ো তার অন্তরালে ।

আগুনের মতো যদি তারো পরে কিছু থাকে জ্বলে,—
তালোই । বাস্তির সিন্ধু আলো হবে, রোজ, সন্ধ্যা হ'লে ।

কবিতা

বর্ষ ২২, সংখ্যা ৪

তুমি আগে চলো

শান্তিকুমার ঘোষ

তুমি আগে চলো, বন্ধু, স্বচ্ছ ধাপ ভেঙে—

এই জুর্গের আড়ালে সমুদ্রের ছবি আছে :

উন্মাদ হাওয়া আর ঢেউ ;

হৃদয়কে মেলে দেবো মূর্ছার শিখরে ।

আয়নায় আলো ফেলে সংকেত জাহাজ দেয় সমুদ্রে কেবল ।

সে-আলোয় ত্যাগে দূর অভিবলয়িক নানা পথে

নরনারী বস্ত্রভার চলে যের নিবিড় জগতে ।

বস্ত্র বিতৃত বিশ্ব—সত্যায় সম্পূর্ণ, ভিন্ন—

শক্তির তাড়িত পুঞ্জ দাউদাউ অনন্ত অবধি ।

অনন্তের দিকে গতি

আলোর তীরের মুখ, পাখির নিয়তি বেগ

অনন্তের দিকে ।

ডুবে যায় একে-একে উপত্যকা খেত নদী

উপরের থেকে দেখা ।

শূন্যের স্মারকচিহ্ন—করণ মাথার খুলি

পথের তোরণে ।

বিপরীত জলশ্রোত আছড়ায় বৃকে এসে

—ভীষণ নির্জন তবু !

ভালোবাসা এত থাকে যে সেন আঁধার-লীনা

কখনো গেল না দেখা ধূপছায়া রূপ যার ।

অর্গলবিহীন বর, চেয়ারের বিশালতা কৈশোরের ভয়ে ভরা ।

ধূমকুটে ডুবে কোন গাঢ় ঘূমে ভ্রুগে থাকি আচ্ছন্ন প্রহরে ।

পলাতক কারা সব তুম্বায় ভুলেছে নাম নিরুত্তর প্রহরীর ডাকে ;
 স্বপ্নের নির্মাণ নীড় অনেক উচুতে দোললে বড়ের বাতাসে ।
 কাছতে আরোহী কত মস্তক বিজয়ে চলে শতকে দশকে ।
 আশা নেই...চ মুহূর্ত...কী মধুর কমনীয় বার্থ ভালোবাসা ।
 শব্দের জগৎ ভেঙে পরমাণবিক বেগ কবিতার ব্যথা ।

আভার সমুদ্র এক :

স্বর্ষের নিষ্কটে দূরে

নীল বরে নীল শুধু বর্ণহীন রূপ :

দর্পণ আলোকে পোড়ে আমার বিহিত মূখ,

কল্পনার উর্নাত, প্রেম ।

তাই আগে এসো, বন্ধু, দৃশ্যের অতীতে

সন্ধ্যার সমুদ্র বেয়ে

নিশ্চয় যেমন

বর্ণিল জগৎ ছেড়ে প্রায়াক্ষ বালক চলে ধনিময় লোকে ॥

জলের পুরাণ (অংশ)

জ্যোতির্ময় দত্ত

শব্দর্পণ

এতোদিনে যুবতীর উন্মাননা স্থির ।

মৃত নয়, জলের নিষিদ্ধ গভীর

অন্ধকার জীবনে নীরবে জীবিত

নিভৃত জীবনের কুম্পুলকে স্মৃতি,

নীরবে ভাগমান এক অতিকায় জলজ উদ্ভিদ ।

আজ শ্রাণ্ডার জীবন্ত, সবুজ শাড়ির

ভাঁজে-ভাঁজে হাঙ্কা নতুন তার জলের শরীর ;

এতোকাল দেহ ছিলো শুধু রক্তের কবর—

অন্তরে বাহিরে আজ উষ্ণ কিংবা স্নিগ্ধ শীতল

জল, জীবনের আদিম সপন ।

মৃত্যুর আগে, মেয়েটি প্রথমবার যখন নিষাদকে দেখলো

হারানো জলার প্লুকিত সরের মতো,

ছহাতে একটু সরিয়ে উঠে দাঁড়ালো

এক ঘোর পুরুষ ; এমনকি প্রথম বর্ষার শৈবালও

তার উজ্জল বকের চাইতে জীবন্ত নয়,

তার কৃষ্ণ শুকতার তুলনায়

অপর মাহুষেণা যেন নকল উদ্ভিদ, অতুল

স্বভূদের সাজানো পুতুল । যেমন যখন

জাগেন কোনো প্রশান্ত উদার হিমবাহ,

কবিতা

আঘাট ১৩৬৫

থেকে বার ঋতুদের চাঁৎকার আর অস্থির হাওয়ার কোলাহল,
তখনো তুঘায়ের সারা গায়ে কুয়াশার ছর্বল রেখ

লেগে থাকে কোনো প্রাচীন বিধবার অশরীরী উষ্ণতার মতো,
তেমন তার পোকার প্রাণের মতো মুহু,
বাড়ন্তু জলের চাইতে আতত
মুগ্ধ আকৃতির কেবল সখল
হারানো নিষাদের এই মাঝার আদল ।

চারিদিকে গভীর, প্রাচীন বৃক্ষেরা
সম্মত ছিলেন ; সেই গভীর জীবগণ
দেখলেন তাঁদের তনয়ার পুণা সশোহন,
এং সেই উপবাসমৌন সম্মাসীদের
নাভীর কোর্টার বেন স্বগন্ধ ছয়ের
তরলতায় ভরে গেল ।...

রাখাল কী ভাবে তার এই সম্বোধন ভাঙলো

কিন্তু রাখালের হাত, বেন তার পালিত কাঠবেড়ালি,
শরীরের ঘন আঘ্রাণে হয়ে গেছে বুনো ;
তার দেহের সর্বত্র ঘুরে ঘুরে

বৃক্ষের কাছে খুঁজে পেলো শ্রামল, শীতল দুই অতি-ঘনিষ্ঠ স্তূপ ;
বুঝে গেলো এই তার হারানো দুই ভ্রাতার কবর ;
স্তম্ভ এখন তাই প্রগল্ভ জন্তুর ধড় ।
মেয়েটি চমকে দেখলো, বৃক্ষের বিজনে অপঘাত
কোনো সফল জন্তুর নয়, নিতান্তই আড়ষ্ট এক মাছয়ের হাত
স্তনের কোর্টার ভরে আছে ।...

কবিতা

বর্ষ ২২, সংখ্যা ৪

নিষাদ আবার দেখা দিলেন

তবুও নিস্তার নেই । নিষাদের ছন্নবেশ
চাঁদের আগমনের প্রথম আভাসে
থ'সে যেতে লাগলো । মেঘ তাঁর প্রাচীন কেশ,
রাজির রহস্ত তাঁর চারিপাশে,
তাঁর অসীমতায় নির্ভয় জনশিশুর মতো ।

সমস্ত পৃথিবী খেলা করে । চলে চাঁদ
ঢেলে দিল স্বর্গের দুধ,
আলোর ধারা বেন অব্দুদ,
নীরব, রহস্যময় বৃক্ষের ঝাঁক
চুলের জটীর ওপারে সেই নিভৃত আলোর হ্রদ

ছেড়ে উড়ে আসছে পৃথিবীর কোনো নিঃশব্দ জলার
স্তুস্তিত বৃকে ।...

দেবতার রূপায় সে ডুবে গেলো

দেহের খোপা ছাড়াতে-ছাড়াতে, মিলিয়ে গেল অন্ধকারে—
এমন এক পরম দেহশারে
যেখানে জল আর জলের রূপক,
মাছের চোখের নির্মল ছংখশোক,
এক হয়ে গিরে শুধু অন্ধকার হয়েছে ।

সাইবেরীয় পাখিরা যেখানে পোহাতো রোদ্দুর,
তার জন্মদ জন্মের উৎস সেই স্বপূর,
প্রশান্ত হ্রদে । তারপর, বেগাফদ নদীর মতো,

হে কচ্ছা, বুঝেছো জন্মের জটিল পাকস্থলী ;
পাতালের উষ্ণ গর্ভগুলি

ভরেছো জলদানে । শ্রাওলা আর বেতের কবর
যখন আসন্ন মনে হ'লো, তখন, হে পুণ্য নদী,
কীর্ণ চন্দ্রালোকে দেখলে সেই আদি,
বিশুদ্ধ জল, এতো স্থির, যে মনে হ'লো
উপরের শাস্ত, খেত সর

বুঝি কেটে যাবে তোমার প্রবেশের আলোড়নে ।
কিন্তু, আসলে, তোমার স্মরণে
একটি বৃষ্টিও জাগলো না । নিজের বিশ্বুদ্ধতায়
জলের আপন হয়ে গেলে । হে পরম মাতা, তোমার প্রমাণ
আমাদের এই একান্ত নিরপরাধ-কছাকে রেশে ।

প্রত্যবায়

অমিয় চক্রবর্তী

“দিনে জোড়া লাগবে না, আলোর উগ্র বিচিত্রতা
বহু-চক্ষু সমাজের ভুল দৃষ্টি মিশে
চেরা জীবনের ক্ষতে বাড়াবে আরোই দন্ধ ব্যথা,—”
বলেছেন সন্ত ; আর ময় দিয়েছেন সান্ধ্য হোমে
পরম রাত্রির ইচ্ছা জেলে-তোলা আত্মার নিমিষে ;
জপমন্ত্র ; পুরাণী নক্ষত্র-নির্দেশিনী
জাগে যেথা জয় ক'রে কৃষ্ণা বিশ্বরথী যুগে-যুগে,
• উল্লসিত ধানিশিখা তারি আবর্তনে
স্বিষ্ট হয়ে মর্ত্যে নামে পূর্ণতায় ।

মল্লদাতা, রাত্রি এলো, কী ক'রে বলা সে-পথ চিনি—
কোথায় আপস এই গোবুলির অশান্ত প্রত্যয়ে
যেখানে সদম-জল-মাটি
হারায় অগণ্য টেউয়ে ; পৃথিবী কাস্তার, দিক্-ঘেরা ।
লুপ্ত ক'রে জীব সন্ধি আমার চৈতন্যে নিবিড়,
ঢেকে দিয়ে দুখ সেই বার অন্তর্গত ব্যথা-জাগা
বাঁচার জ্বেনেছি হুধা, ভরে সমাধির
এ কী অবর্ষতা, যোগ-সংকট মুহূর্ত ঘন হয়ে
চূর্ণ হোক শেষ রাত্রি, না হলে প্রত্যহ বক্ষে-ঘেরা
জলুক নির্ঘম স্বর্ষ, যৌবনী জনতা দৃপ্ত দিবা—
আবার সংসারে মুষ্ণি, যুঁজি সেই প্রাণ অক্ষৌহিণী ॥

চিঠিপত্র

ইংরেজি ও মাতৃভাষা
(বৃহদেব বহুকে লিখিত)

১০ জুন, ১৯২৫

প্রিয়বরনু,

পোষ-কাল্কানের কবিতা পত্রিকায় আপনার প্রবন্ধটি খুব ভালো লাগলো। “ইংরেজি ও মাতৃভাষা” নামে ঐ রচনা আশা করি বহুল প্রচারিত হবে; ইংরেজিতেও ভারতের নানা জায়গায় বেরোনে দরকার। বিষয়টা প্রকাণ্ড অটল, ভবিষ্যৎ দূরে থাক্ টিক এখনই কী ব্যবস্থা দাঁড়াবে বলা প্রায় অসম্ভব, কিন্তু ভাষার মূল্য যেখানে গভীর সেই কেন্দ্রিক স্থানে ক্রমাগত আলোচনা জাগিয়ে রাখা চাই। আপনি বাংলা ভাষার এবং বাংলা সাহিত্যের ভিত্তরকার কথা তার সৃষ্টিশীল প্রবাহের দিক থেকে সম্পৃষ্ট করে ফুটিয়ে তুলেছেন; এই আলোচনায় যোগ দেবার অধিকার তাঁদেরই যারা ভাষাকে চিরময় জ্ঞানময় সত্তার অবিচ্ছেদ্য সূত্রে জানেন।...

রাষ্ট্রিক দিক যে নেই তা নয়, খুবই আছে; কিন্তু শেষ পর্যন্ত সামঞ্জস্য রক্ষা হবে সংস্কৃতির বৃহত্তর ভূমিকায়,—আশা করি প্রাদেশিক এবং কেন্দ্রীয় সরকার সে কথা বুঝবেন। বাংলাদেশের সাহিত্যবৃদ্ধি এবং জাতীয়তা কারো চেয়ে কম নয়, আমাদের বিশেষ দায়িত্ব বেন প্রাক্কল অল্পশীলন এবং প্রচারের দ্বারা আমরা অনেকখানি আলোহাওয়া এই প্রসঙ্গে চারিয়ে দিতে পারি। “কবিতা”র পৃষ্ঠায় আপনি তাই করেছেন।...

আমি দূরে আছি, সব জিনিষটাকে দাঁটিয়ে দেখতে পারছি না। ভারতের প্রত্যেক জাতীয় ভাষাকে চরম এবং স্বতন্ত্র মূল্য না দিয়ে পারি না; ইংরেজিকেও সেই ভারতীয় ভাবামণ্ডলীর অন্তর্গত বলেই জানি। দেশছোড়া মানসিক এবং বিবিধ বৈষয়িক ব্যাপারে ইংরেজি আধুনিক যুগের ভারতবর্ষে ক্ষীয়মান হতে থাকবে তা ভাবাই যায় না, কেননা আজকের পৃথিবীতে সর্বরাষ্ট্রিক একটি

বা একের বেশি বহুসচল ভাষার দাবী বেড়ে যাচ্ছে, কমছে না। খাটি সাহিত্যের দিক থেকে আমার মনে কিছু খটকা আছে,—ভারতবর্ষ যে ইংরেজি ভাষায় উৎকৃষ্ট সৃষ্টির পরিচয় দেবে, সহজ প্রত্যাহ অধিকারে আপন গরিমা প্রকাশ করবে তার আশা কম। কেনই বা তা আশা করবে, বস্তুত, আজকের ভারতে ইংরেজি ভাষার ব্যবহার উৎকর্ষের দিক থেকে নীচুতে নেমেছে, এবং হয়তো আরো নামবে, যদিও সংখ্যায় হয়তো বেশি লোক ইংরেজি ব্যবহার করে এবং করবে। কিন্তু ইংরেজি ভাষাও থাকবে ভারতের অজ্ঞাত জাতীয় ভাষার পাশাপাশি; বিশেষ গরিমার স্থান তার না-ই বা হ'লো,—ইংরেজি ব্যবহারের শ্রোত ভারতে মূল রাখাটাই প্রধান কথা। সাহিত্যসৃষ্টি মূখ্যভাবে চলতে থাকবে প্রত্যেক ভারতীয় অঞ্চলের নিজস্ব ভাষায়। আপোষে এইটে মেনে নিতে দোষ কী?...

বস্টন বিশ্ববিদ্যালয়, ম্যাসাচুসেটস

অমিয় চক্রবর্তী

হুইটম্যান ও নজরুল ইসলাম

‘কবিতা’-সম্পাদক সমীপেষু,

বর্ষ ২০, সংখ্যা ১ “কবিতা”য় শ্রী নরেশ গুহ মহাশয়ের “ওজন্ট হুইটম্যান—একশো বছর পরে” প্রবন্ধ পাঠ করলাম। অতি হৃদয়ভাবে হুইটম্যানের কবিতার ধারা ও কাব্যমানসের উন্মোচন করা হয়েছে। প’ড়ে আনন্দিত ও উপকৃত হলাম।

প্রবন্ধের শেষ দিকে তিনি লিখেছেন: “আসলে হুইটম্যানকে আবিষ্কারের উৎসাহ নিয়ে বাংলা কবিতায় প্রবেশ করলেন ‘কল্লোল’ যুগের কবিরা, বিশেষ প্রেমেন্দ্র মিত্র। কিন্তু ইউরোপীয় ট্র্যাডিশন-ভাঙার যে-বলিষ্ঠ প্রেরণা থেকে Song of Myselfএর মতো কবিতার উত্থান—বাংলা দেশের পরিবেশে কোথায় সেই প্রেরণা?—হুইটম্যান যেখানে সমগ্র জীবনের বন্দনাগানে মুগ্ধ, সেখানে বাংলা দেশের কবি যুদ্ধকণ্ঠে লিখছেন:

কবিতা

আষাঢ় ১৩৬৫

আমি কবি ভাই মর্মে আর মর্মে,
বিলাশ-বিবশ মর্মে মত অপ্নের তরে ভাই
সময় যে হয় নাই।

...বাংলা কবিতায় হুইটম্যানের স্বর বিজয়লাল চট্টোপাধ্যায় প্রমুখ কবিদের
সচেতন পরিশ্রম সত্ত্বেও তাই মেকি প্রতিধ্বনি হয়েছে শেষ হয়ে গেল।”

নরেশবাবুর এই অভিমত তথ্যনির্ভর নয়। বাঙালী কবির কাছে হুইটম্যানের
আবেদন আদৌ পৌছয়নি, পৌছলেও তা খুব মিহি ও “মেকি”, এ কথা ঠিক নয়।

কবি নজরুল ইসলাম বিপুলভাবে এবং সার্থকভাবে হুইটম্যানের দ্বারা
প্রভাবিত হয়েছিলেন। দুঃখের বিষয় হুইটম্যানের সঙ্গে নজরুল ইসলামের
সম্পর্কের কথা বিপুলসংখ্যক বিদগ্ধ বাঙালী পাঠকের আজো অজ্ঞাত। হয়তো
এর প্রধান কারণ বিগ্ৰেণী ও মননশীল পাঠকের অভাব এবং দ্বিতীয়ত
আমেরিকার জাতীয় কবির সঙ্গে বাঙালী পাঠকের দূরত্ব। তবু এই দূরত্বকে
আমাদেরই এক প্রিয় কবি স্বল্পদে অতিক্রম করেছিলেন।

ইংরেজি সাহিত্যের ফরাসী ইতিহাসকার লুই ক্যাজামিয়ান ওয়ার্ড্‌সওয়ার্থের
Lyrical Balladsএর আলোচনাপ্রসঙ্গে বলেছেন যে এঁদের সৃষ্টি-কর্মে
যে-নীতি সক্রিয়, তাকে “an aesthetic application of sentimental
democracy” বলা যায়। নজরুল ইসলামের সাহিত্যের প্রধান স্রষ্টিকে
মনসীলী ক্যাজামিয়ানের কথাগুলো একটু ঘুরিয়ে বলা যায় an aesthetic
realisation of sentimental democracy। নজরুল ইসলাম যেমন,
হুইটম্যানও তেমনি, জীবন, যৌবন, গান, প্রাণ ও ‘গণতন্ত্রের কবি। নরেশবাবু
জানিয়েছেন হুইটম্যানের আবেদন বাঙালী কবির কাছে পৌছলেও তা অসার্থক
হয়েছে। এই উক্তি সত্য নয়। হুইটম্যানের ভাবাদর্শে রচিত নজরুল ইসলামের
কবিতা ও গান সার্থক তো হয়েছেই, এমন কি আবেগ ও আবেদনে তা
মাকে-মাকে হুইটম্যানকেও অতিক্রম করেছে। নজরুল ইসলামের “বিদ্রোহী”
কবিতার প্রেরণা হুইটম্যানের Song of Myself থেকেই এসেছে।
“বিদ্রোহী”র “আমি আপনার ছাড়া করি না কাহারে কুর্নিশ”—এই স্বর

কবিতা

বর্ষ ২২, সংখ্যা ৪

আত্মপ্রতিষ্ঠা ও আত্মজয়ঘোষণারই স্বর। Song of Myself-এর প্রধান স্বরও
তাই—হয় তো বা আরো ব্যাপক। নজরুল ইসলামের ‘জিঞ্জির’ কাব্যের
“অগ্রপথিক” কবিতাটি (“অগ্রপথিক হে সেনাদল, জোর কদম চল রে চল”)
আমাদের অতি পরিচিত ও প্রিয়। কিন্তু এই বিখ্যাত কবিতাটিও হুইটম্যানের
Pioneers! O Pioneers! কবিতার হুবহু অম্লবাদ এবং বাংলা
কাব্যসাহিত্যের এক সার্থকতম অম্লবাদ। কবিতাটি প্রথম যখন “সন্তগাত্তে”
প্রকাশিত হয়, তখন নজরুল ইসলাম নিজেই পাদটীকায় হুইটম্যানের
স্বপ্ন স্বীকার করে লিখেছিলেন, “ওঅন্ট হুইটম্যানের ‘Pioneers’-এর
ভাবাহুসরণে”। কিন্তু পরবর্তী সংকলনসমূহে এই স্বীকৃতি দেখা যায় না।
জানি না, এ অপরাধ নজরুল ইসলামের, না প্রকাশকদের।

বড়শিঞ্জা, বীরভূম

রাশীদুল হাসান

আধুনিক কবি অমিত রায়

‘আধুনিক কবি অমিত রায়’ (‘কবিতা’, পৌষ-ফাল্গুন, ১৩৬৪) পড়ে দু-একটি
কথা মনে হ’লো; সংক্ষেপে জানাই।

‘কল্লোল’-যুগের বিদ্রোহী ঐতিহাসিক প্রয়োজনে সার্থক, সে-বিষয়ে বিতর্ক
আজ অবস্তুর। কবি বা মাহুব রবীন্দ্রনাথ আজ তাঁর মৃত্যুর ১৭ বছর পরে
তাঁর যথাযোগ্য স্থানে প্রতিষ্ঠিত হ’তে চলেছেন, সময় তা দেখছে। বাংলা
কবিতা তাঁর সন্দেশে শেষ নিশ্বাস ত্যাগ করেনি সচেতন পাঠকমাজেই সে-খবর
রাখেন। ‘রবীন্দ্র-প্রভাব-মুক্ত’ হওয়া এখনকার কবিদের সমস্যা নয়; আধুনিক
কবিতা আজ স্বকীয় অধিকারেই প্রতিষ্ঠিত। এমন যে আরো তীক্ষ্ণ হবে, জটিল
হবে, দুটি যে আরো ব্যাপক হবে, প্রত্যয়ের ভিঁটাও যে টলবে, এটাই তো
এ-যুগের দাবী, এবং তাই সম্ভাব্য পাঠকের কাছে অমিত রায়ের নিঃসারতা ধরা
পড়বেই। রবীন্দ্রনাথ নিজেও যে এ-বিষয়ে অনবহিত দিলেন তা মনে হয় না;
তার প্রমাণ অমিত রায়ের উক্তি,—‘একদিন হয়তো দেখবে আর কিছু যদি না

কবিতা

আষাঢ় ১৩৬৫

থাকে আমার বাণীরূপ রয়েছে।' এখন, অমিত রায়কে রবীন্দ্রনাথ তৎকালীন 'আধুনিক' কবিদের প্রতিমূর্তিস্বরূপ দাঁড় করাতে চেষ্টা করেছিলেন কিনা, তা যদি বিবেচ্য হয় তবে অমিত রায়ের মনোভাবসম্পন্ন পুরুষ সে-যুগে ছিলেন না বা এ-যুগে নেই তাও বা কী ক'রে বলা যায়—নরেশবাবু নিজেই তা স্বীকার করেছেন।

আমার মনে হয় সব মিলিয়ে অমিত রায় এক সার্থক বাদ্ধচিত্র। 'শেষের কবিতা'র মূলা এ-দিক থেকেও উল্লেখ্য। নরেশবাবু বলেছেন, 'আমরা যে "শেষের কবিতা" নিয়ে অসুখী তার সঙ্গে রুচিবদলের কোনো সম্পর্ক আছে এমন অসুখমান আমি একেবারেই বরখাস্ত ক'রে দিতে চাই।' কিন্তু তা কেন? 'রুচি' কথাটা কি এতই জুঙ্গু? রুচিগঠনে কী কী প্রভাব কাজ করে, তা যদি বিচার করতে বসি তবে দেখি যে প্রথমেই আসে মানসিক প্রবণতা। সেই প্রবণতায় পরিবর্তনকে রবীন্দ্রনাথও আক্রমণ ক'রে থাকলেও অস্বীকার করতে পারেন নি।

রবীন্দ্রনাথ হয়ত ইচ্ছে করলেও 'আধুনিক' কবিতা লিখতে পারতেন না। কিন্তু সে-প্রশ্ন কি আমাদের পক্ষে খুব জরুরি আজ? বরং আধুনিক কবিতা কোথায়, কেন, কী ক'রে 'আধুনিক' হ'লো সে-বিষয়েই শ্রী নরেশ গুহর কাছে আমরা আলোচনার প্রত্যাশী।

কলকাতা

শৈলেশ রায়

২৮৮

কবিতাভবন, ২০২ রাসবিহারী এভিনিউ, কলকাতা ২৯ থেকে প্রকাশিত ও ১৪৯১ সের্বেস্ট্রান্ড র্যানারজি' রোড, কলকাতা-১৩ মেট্রোপলিটান প্রিন্টিং অ্যান্ড পাবলিশিং হাউস প্রাইভেট লিমিটেড-এ মুদ্রিত।

সম্পাদক, প্রকাশক ও মূল্যক : বৃন্দধরের বসু। সহকারী সম্পাদক: নরেশ গুহ।

গ্রাহকদের প্রতি নিবেদন

'কবিতা'র এই সংখ্যার সঙ্গে আপনার চলতি বছরের চাঁদা শেষ হ'লো। পরবর্তী বর্ষ ২৩-এর চাঁদা (চার টাকা) আগামী ২০শে অক্টোবরের মধ্যে মনি-অর্ডারে পাঠিয়ে দেবার অনুরোধ জানাই। যারা আর গ্রাহক থাকতে ইচ্ছুক নহ'লে তাঁদের নিবেদনপ্রাপ্তিও ঐ তারিখের মধ্যে পৌঁছানো দরকার। যাদের কাছ থেকে চাঁদা বা নিবেদনপ্রাপ্তি কোনোটাই পাওয়া যাবে না, তাঁদের আমরা আশ্বিন সংখ্যা ভি. পি. যোগে পাঠাতে বাধ্য হ'বো। ভি. পি.তে পাঠাতে আমরা অনিচ্ছুক, কেননা তাতে অতিরিক্ত এক টাকা খরচ পড়ে, এবং সেই ব্যয় গ্রাহকদেরই বহন করতে হয়। উপরন্তু, ভি. পি. ফেরৎ এলে আমরা অত্যন্ত ক্ষতিগ্রস্ত হই। ভি. পি.তে যারা পত্রিকা পাবেন, তাঁরা প্যাকেটটি গ্রহণ করতে যথাসাধ্য সচেষ্ট হ'লে বিশেষ বাঞ্ছিত হ'বো।

মনি-অর্ডারে চাঁদা পাঠাবার সময় নিম্নলিখিত নিয়মগুলি পালনীয় :

- (১) কৃপনে গ্রাহক নং উল্লেখ করবেন।
- (২) নূতন গ্রাহকরা "নূতন গ্রাহক" কথাটি লিখে দেবেন।
- (৩) কৃপনের উষ্টো পিঠে পরিষ্কার অঙ্করে নাম ও ঠিকানা লিখবেন।
- (৪) যারা রেজিষ্টার্ড ডাকে পত্রিকা নিচ্ছেন বা নিতে চান তাঁরা ছয় টাকা পাঠাবেন।

পাকিস্তানের গ্রাহকদের কোনো ভারতীয় ডাকঘর থেকে মনি-অর্ডার পাঠাবার অনুরোধ জানাই; তা সম্ভব না-হ'লে ব্যাঙ্কের মারফৎ ব্যবস্থা করতে হবে। পত্র লিখলে আমরা ব্যাঙ্কে দাখিলের জন্য বিলু পাঠিয়ে দেবো।

চিঠিপত্র, মনি-অর্ডার, চেক ইত্যাদি পাঠাবার ঠিকানা :

কবিতাভবন

২০২ রাসবিহারী এভিনিউ

কলকাতা ২৯

লেখকদের বিষয়ে

* 'কবিতা'র প্রথম প্রকাশ

অলোকরঞ্জন দাশগুপ্ত-র 'আন্তিগোনে' অহুবাদ নয়। দ্বিধার সাহিত্য আকাদেমি থেকে গ্রন্থাকারে প্রকাশিত হবে। *দ্বিব্যেক্ত পালিত পড়াশুনো করেছেন ভাগলপুরে, বর্তমানে কলকাতায় কর্ম করেন। তাঁর গল্প ও কবিতা বহু পত্রিকায় প্রকাশিত হয়েছে থাকে। বিশ্ব বন্ধুত্বপাঠ্য-এর নতুন কাব্যগ্রন্থ 'নিরন্ত নিব্ব'র সম্প্রতি প্রকাশিত হয়েছে। বিষ্ণু দে-র দুটি নতুন কাব্যগ্রন্থ প্রকাশিত হইলো: 'আলেখা' ও 'তুমি শুধু পঁচিশে বৈশাখ'। গত গ্রীষ্মে অহুজিত কাব্যতা-মেলা তাঁকে ও শ্রী অজিত দত্তকে সম্মাননা জানিয়েছেন। *ত্রজমাধব ভট্টাচার্য ব্রিটিশ গিয়ানাতে টেপোর মেমরিএল স্কুলের অধ্যক্ষ। শান্তিকুমার ঘোষ লণ্ডন স্কুল অব ইকনমিক্স থেকে ডক্টরেট উপাধি নিয়ে সম্প্রতি দেশে ফিরেছেন। সঞ্জয় ভট্টাচার্য-এর উপন্যাস 'অপর' প্রকাশ করেছেন নিউ জিপি। আর-একটি উপন্যাস, 'তিন চরিত্র' সাহিত্য প্রকাশভবন থেকে প্রকাশিত হয়েছে।

প্রতিভা বসু-পরিচালিত

শিশুবিভাগ

একটি নতুন ধরনের স্কুল।
নাগাঁরি থেকে চতুর্থ শ্রেণী পর্যন্ত
ছাত্রছাত্রী নেয়া হয়।
ভর্তি চলছে।

১১২/১ শ্যামাপ্রসাদ মুখার্জি রোড,
কলকাতা ২৬

অহুসদ্বানের জঙ্ঘ—

টেলিফোন: ৪৬-১২০৪

বিশ্ব বন্ধুত্বপাঠ্য-এর

নতুন কবিতার বই

নিরন্ত নিব্ব

প্রকাশক: শতভিষা প্রকাশনী

দুই টাকা

কবিতাভবনে প্রাপ্য

KAVITA

(Poetry)

Vol. 22, No. 4

Yearly Rs. 4/-, or 6s. 6d. or \$ 1. 50

Rupee one per copy

এক টাকা

Published quarterly at Kavita Bhavan, 202 Rashbehari Avenue,
Calcutta 29, India

Editor & Publisher: BUDDHADEVA BOSE

অনপ্রিয়তায় প্রার্থ
করণ
প্রণে অতুলনীয়



স্বাস্থ্যসম্মত ও বৈজ্ঞানিক প্রণালীতে প্রস্তুত
লিলি বার্লি মিলস্ প্রাইভেট লিঃ, কলিকাতা-৪